


許氏方輿考證稿百卷

地80
854
部=9



册九第



是編山東一省原稿同者日為山東
通志乃借古旋復佚失今傳柯鳳蓀
先生一但原書體例補成之風夫
削移之日廷書賤名辭讓吾而世不
肯易易登角之秋鳳蓀遂悌道山
矣卷中似列燦名致存風者雖
去因備書始末以示不敢掠美云

潘復又識



此卷佚同邑後學
潘復馨航氏補纂

山東總部

沿革○禹貢青徐及兗豫四州之域

禹貢濟河惟兗州海岱惟青

導荷澤今濟南青登萊及泰安府東阿平陰之北境皆古青州地兗州與曹州府之鉅野泰安府之東平州及新泰萊蕪之南境皆古徐州地東昌與兗州府之陽穀壽張曹州府之鄆城周及濟南青州二府之西北境皆古兗州地曹州府古豫州地

為青兗豫三州地

周禮職方氏正東曰青州河東曰兗州漢書地理志周改禹徐州合之於青禹貢九州兼

有青徐爾雅無青周禮無徐郭璞爾雅注云疑是殷制

春秋為齊魯及衛宋曹滕薛邾莒

杞諸國地戰國屬齊並屬楚趙

今青州濟南武定及東昌之東境州縣泰安之肥城萊蕪東阿

平陰兗之陽穀壽張曹之范縣春秋齊國地登萊春秋紀萊牟介莒諸國地戰國並屬齊兗州府及沂之沂水日照曹之單縣鉅野鄆城泰安之新泰東平春秋魯國地戰國後南屬楚北屬齊曹州府之濮州朝城觀城春秋衛地戰國屬齊後又屬趙濟甯州之金鄉春秋宋地曹州府之曹縣定陶春秋曹國地後屬宋戰國屬齊兗州府之鄒縣春秋邾國地戰國改名鄒國曹州濟甯之間戰國時當有魏地秦時亦有碭郡地以漢志山陽郡證之可見滕縣春秋滕薛小邾三國地沂州府之莒州春秋

方輿考證卷十七 山東一

一華鑑閣

莒國地東昌府之館陶冠縣莘縣恩縣臨清州之武城縣春秋晉地戰國屬趙臨清州邱縣為趙東鄆高唐州為齊西鄆夏津為齊趙二

秦並天下置齊郡琅邪郡薛郡東郡漢初分齊為三國邊界

史記秦楚之際月表項羽分齊為三國臨淄王田都都臨淄濟北王田安都博陽膠東王田市都即墨

漢分置諸郡國 改薛郡為魯國後漢書郡 元封五年置十三州

部刺史為青兗徐三州地 青州領平原千乘濟南北海東萊六郡菑川膠東高密三國兗州領東山

陽濟陰泰山四郡城陽東平二國而琅邪東海二郡及魯國屬徐州皆今山東省所屬之地。按菑川膠東高密三國漢志不

言所屬以本文故齊推之當屬青州魯國漢志屬豫州後漢書郡國志魯國本屬徐州光武改屬豫州推之前志亦據書成時

所屬而 後漢屬青徐兗豫四州 青州刺史治臨淄領濟南國平言也 原郡樂安國北海國東萊郡齊

國徐州刺史治鄒領東海郡琅邪國而東郡東平國任城國泰山郡濟北國山陽郡濟陰郡並屬兗州魯國屬豫州

魏因之晉初分屬兗豫冀青徐五州 晉書地理志兗州統濮陽

東平國濟北國泰山郡豫州統魯郡冀州統平原國樂陵國青

州統齊國濟南郡樂安國城陽郡東萊國長廣郡徐州統東海

郡琅邪國 永嘉後為後趙前燕前秦南燕所有 晉志惠帝末兗

東莞郡

州淪於石氏徐州所得惟半季龍未遑西段龕據青州慕容恪克之苻氏平燕盡有其地苻氏敗刺史符朗以州降晉置幽州刺史鎮廣固隆安四年慕容德都之復改爲青州德以并州牧鎮陰平幽州刺史鎮發干徐州刺史鎮莒城青州刺史鎮東萊兖州刺史鎮梁父慕容超移青州於東萊郡 義熙五年劉裕平南燕仍爲兖徐青三

州地宋元嘉九年分青州置冀州二十年省兖州尋復置泰始

三年分徐州置東徐州 宋書州郡志青州刺史領郡齊郡濟南樂安高密平昌北海東萊太原長廣冀

州刺史領郡平原樂陵徐州刺史領郡蘭陵東海東莞東安琅

邪陽平濟陰北濟陰兖州刺史元嘉二十年省分郡屬徐冀州

三十年六月復立領郡泰山 後魏爲司 領郡冀 領郡充 領郡泰

高平魯郡東平陽平濟北 齊 本劉宋冀州皇興三年更

平任城東 青 領郡齊北海樂安渤 齊 名領郡東魏東平原東清

平東陽平 海 高陽河間樂陵 齊 領郡東魏東平原東清

河廣川濟 五州又增置濟 泰常八年置領郡濟北平 光 皇興四

南太原 州置領郡東 東徐 孝昌元年置領 西充 孝昌三年置 膠 永安二

萊長廣東牟 郡下邳武原郊 西充 領郡沛濟陰 膠 年置領

郡東武高 南青 領郡東安東莞 北徐 永安二年置領 七州共

密平昌 領郡東安東莞 北徐 永安二年置領 七州共

領四十二郡北齊因之後周置總管府於青州隋開皇三年廢

方輿考證卷十七 山東

二

郡爲州十四年總管府廢大業元年於兖州置都督府三年改

諸州爲郡分屬豫 濟陰 兖 東平濟北渤海 青 北海齊東萊 徐 魯

邪二 郡屬 四州唐武德初復以郡爲州二年置齊州總管府 管齊鄒

淄濟 六州 四年又置青州 管青濰登牟莒 德州 管博德棣 鄆州 管鄆

戴曹 五州 三總管府七年改總管府爲都督府貞觀元年府罷諸州

分屬河南河北道採訪使 鄆曹濮兖沂青淄密登萊齊棣十二

七年復置齊州都督府十四年又置兖州都督府天寶元年仍

改州爲郡至德二載復以郡爲州分置淄青平盧天平泰甯四

節度使 唐書方鎮表至德元載置青密節度使治北海乾元二

淄沂節度使治沂州尋以侯希逸引兵保青州併領淄沂遂號

淄青平盧節度使寶應元年廢兖鄆節度使元和十四年又置

鄆濮節度使治鄆州十五年賜號天平軍節度使長慶元年升

沂海觀察使爲節度使治兖州乾甯四年賜號泰甯軍節度使

五代梁唐因之晉置威信軍於曹州漢初廢周復於曹州置彰

信軍宋初屬京東及河北路熙甯七年分京東為東西兩路

府青密沂登萊濰淄七州屬京東東路襲慶興仁東平三府濟單濮三州屬京東西路而博德恩棣濱五州屬河北路金

改京東為山東始有山東之名仍分東西兩路

東路領益都濟南二府濰淄沂密登萊莒棣濱甯海十州西路領東平府兗曹濟博滕泰安七州而恩濮二州屬大名路單州屬南京路元分置燕

南河北道山東東西肅政廉訪司及山東東西道宣慰司直隸

中書省謂之腹裏

東平東昌濟甯三路曹濮德恩冠高唐泰安七州屬燕南河北道濟南般陽二路甯海州屬山東東西道而明洪武元年置山東行中書省治青州九年

移治濟南尋改置山東承宣布政使司 本朝因之

形勢○東據海南距徐邳西毗梁宋北拱畿輔沃野千里形勢莫

尚焉○明陳沂山東通志序禹貢九州山東在青兗南北廓有

徐冀而西連於豫管仲對楚曰賜我先君履東至於海西至於

河南至於穆陵北至於無棣季扎以為泱泱大風蘇秦以為四

方輿考證卷十七 山東一

塞之國也○顧祖禹曰自古及今天下有事恆起於山東至於

攻取大略莫如樂毅並護楚趙韓魏之兵為燕伐齊敗齊兵於

濟西以魏師略宋地以趙師收河間自帥燕師直入臨淄又遣

左軍徇膠東東萊前軍徇泰山東至海略琅邪右軍屯阿鄆以

連魏後軍並北海而撫千乘六月之間下齊七十餘城是也次

則莫如元季之察罕自陝抵洛自將鐵騎渡孟津鼓行而東復

冠州東昌師至鹽河遣精兵擣東平克之又克濟甯時羣賊聚

濟南拒戰於齊河禹城於是分遣奇兵間道出賊後南略泰安

逼益都北徇濟陽章邱中循海濱郡邑自帥大軍渡清河破賊

於臨濟近逼濟南齊河禹城來降南路諸將亦敗益都兵於好

石橋濟南既下進圍益都會察罕為降賊所刺殺其子擴廓代

之攻拔益都山東悉定明洪武初命徐達北伐既下沂州遣使

諭之曰將軍若向益都當遣精銳扼黃河要衝斷其援兵可以必克答益都未下宜進取濟南濟甯二城既下益都以東如囊中物矣○按山東一省縮轂南北明太祖命將取燕京先會師於東昌臨清之境然後下德州克長蘆而元人宵遁明祖成取東昌長驅南下而金陵不守尤爲攻取之略之大者矣

兵制青州德州駐防兵共二千五十四名 撫標兵九百十名
撫標水師八百名 河標兵一千六百十名 登州鎮兵三千五百九十一名 兗州鎮兵三千九百七十一名 曹州鎮兵三千八百五十一名右據光緒十二年裁定兵額二十二年以後分限五年裁去五成二十四年又改裁去三成餘二成仍照原額不裁二十八年兵額全裁改設巡警

戶口光緒三十二年實在人丁

內連四衛一所屯丁一十萬一千七百九十三 共二千

方輿考證卷十七

山東一

四

二百二十一萬三千四百三十九

田賦實徵熟田九十八萬二千八百二十八頃一十八畝應徵穀八百八石八斗應徵麥一千九百六十七石斗應徵麥改米一萬九千八百一石七斗應徵秋糧熟米四十一萬四千六百四十三石六斗應徵原額熟人丁銀四十五萬三千八百三十二兩以上地丁共徵銀三百十七萬一千七百八十五兩通共實徵條編銀三百二十九萬二千三百二十七兩右據光緒二十三年至三十三年布政司報銷冊

驛程○京師皇華驛至山東省城共九百三十里自直隸景州東光驛六十里德州安德驛八十里平原縣桃園驛七十里齊河縣晏城驛四十里歷城縣潭城驛由城驛七十里龍山鎮四十里章邱縣五十五里鄒平縣二十五里至長山縣七十里益都

縣金嶺鎮驛七十里青縣驛七十里昌樂縣五十里濰縣八十
里昌邑縣八十里平度州灰埠驛七十里至掖縣一百二十里
至黃縣黃山館驛六十里至黃縣六十里至蓬萊驛皇華驛至
江南江甯省城由山東中路德州安德驛七十里恩縣太平驛
七十里高唐州魚邱驛七十里荏平縣荏山驛七十里東阿縣
銅城驛五十里東阿縣舊縣驛四十里東平州平原驛六十里
汶上縣新橋驛五十里滋陽縣新嘉驛四十里滋陽縣昌平驛
五十里鄒縣邾城驛五十里鄒縣界河驛四十里滕縣滕陽驛
六十四里滕縣臨城驛七十里至江南銅山縣利國驛由水路
直隸吳橋縣連窩驛七十里德州良店驛七十里德州安德驛
七十里德州梁家莊驛九十里武城縣甲馬營驛七十里臨清
州渡口驛七十里臨清州清源驛六十里清平縣清陽驛六十

方輿考證卷十七

山東一

五

里聊城縣崇武驛九十里陽穀縣荆門驛六十里東平州安山
驛六十里汶上縣開河驛九十里濟甯州南城驛八十里魚臺
縣河橋驛一百二十里江南沛縣泗亭驛一百一十里嶧縣萬
家驛九十里江南邳州趙邨驛皇華驛至江蘇省城至齊河縣
晏城驛六十里長清縣崗山驛五十七里長清縣長城驛五十
里泰安縣驛四十五里泰安縣崔家莊驛四十五里新泰縣楊
柳店驛六十里新泰縣驛六十里蒙陰縣驛七十里沂水縣堞
莊驛六十里蘭山縣徐公店驛七十里蘭山縣驛四十里蘭山
縣李家莊驛七十里郯城縣紅花埠驛六十里江南宿遷縣峒
悟驛

名山

泰山在泰安府北五里○舜典歲二月東巡狩至於岱宗白虎通

巡狩篇東方爲岱宗何言萬物更相代於東方也○詩魯頌泰山巖巖魯邦所瞻○周禮職方氏兗州其山鎮曰岱山○爾雅釋山河東岱又云泰山爲東嶽○管子古者封泰山禪梁父者七十二家○史記昔黃帝東至於海登岱宗又貨殖傳泰山其陽則魯其陰則齊○按秦漢以下言封禪者必於泰山秦始皇二十八年至泰山下議封禪遂除車道上自泰山陽至巔立石頌德從陰道下禪於梁父漢元封初封泰山下陰道禪泰山下阯東北肅然山乃議以五載巡狩用事泰山會諸侯各治邸泰山下明年復祀泰山五年南巡狩還至泰山增封又太初元年行幸泰山修封太始四年幸泰山修封禪石閭征和四年復幸泰山修封亦禪石閭從來封禪之數未有如武帝者也後漢光武中元元年東巡封泰山禪祭地於梁陰章帝元和二年幸泰

山柴告岱宗安帝延光三年東巡幸泰山桓帝延熹四年岱山頽裂自是天下漸多故矣隋文帝開皇十五年東巡頓齊州爲壇於泰山柴燎祀天禮如南郊唐高宗乾封元年登泰山封玉牒禪於社首元宗開元十三年封泰山祀昊天上帝於山上羣臣祀五帝百神於山下之壇又祭皇地祇於社首宋眞宗大中祥符元年封泰山亦禪梁首時王欽若判兗州上言泰山醴泉出錫山蒼龍見又木工董祚於泰山醴泉北見黃帛曳林木上旣而帝至泰山登險道經險峻峰降輦步進鹵簿儀衛列於山下享昊天上帝於圍臺陳天書於左以太祖太宗配命羣臣享五方帝及諸神於山下封祀壇明且禪祭皇地祇於社首山如封祀儀改乾封縣爲奉符縣以天書妖妄爲後世所譏焉○漢官儀泰山盤道曲屈而上凡五十餘盤經小天門大天門仰視

如從穴中視天窗矣自下至古封禪處凡四十里○泰山記有秦觀望見長安吳觀望見會稽周觀望見齊黃河去泰山二百餘里於祠所瞻黃河如帶若在山陟又周觀亦曰日觀相對與秦鳴時可見日出吳觀亦曰越觀又名月觀以與日觀相對與秦觀爲泰山三峯云○唐六典河南道名山泰山周百有六十里高四十餘里○明通志其山周圍一百六十里屈曲盤道百餘經南天門東西二天門至絕頂高四十餘里其峯曰日觀曰秦觀曰越觀曰丈人曰獨秀曰雞籠曰老鴉曰獅子曰蓮花曰懸石其崖曰百丈曰捨身曰馬棚曰鶻鴿其峪曰石經曰石壁曰佛寺曰鬼兒曰椒子曰豐都曰桃花曰馬蹄曰溪里其嶺曰四馬曰雁飛曰黃峴曰思鄉曰青峯曰西橫其石曰牛心曰龍口曰試劍曰龍紋曰虎阜其洞曰迎陽曰呂公曰白雲曰遼觀曰

蝙蝠曰鬼仙曰水簾其池曰玉女曰王母曰白鶴曰白龍又嶽頂東南十里有東神霄山西南十里有西神霄山東南二十五里有鵬窠山又西十里有石泉山三尖山在岳陰者又有孤山穰山鶴山皆泰山之峯巒也○按泰山高度圖書集成載張五典泰山道理記稱用竿量之法泰山高一十四里零八十餘步較爲近之然不若阮元小滄浪筆談謂以測望置算比城中試院地高四百七十七丈九寸又三十一分寸之一爲略可據也沂山在青州府臨朐縣南九十里亦曰東泰山○周禮職方氏青州其山鎮曰沂山○史記封禪書公玉帶言黃帝封東泰山禪丸山天子旣令設祠具至東泰山山卑小不稱其費乃令禮官祠之而不封禪齊乘沂山遠望之則高壓羣山緣坡麓曼衍八九十里以漸而升逮至其巔則失其峻極耳○漢書地理志朱

虛縣東泰山汶水所出○水經注汶水出朱虛縣泰山注東小泰山也山上有長城西接岱山東連琅邪千有餘里○隋書開皇十五年詔祀名山大川以沂山爲東鎮○元和郡縣志沂山在沂水縣北一百二十四里有五壇是宋武帝伐燕立壇以祭五帝處○道光一統志山巔爲百丈崖壁立萬仞形如削斧沂水出其南流水出其東○明通志沂山半有東鎮廟一名公婆廟俗傳宋太祖微時鬪韓通於此棄衣而去石公嫗收之○禹貢錐指引黃子鴻云今沂水實出雕崖山北去東泰山尙五十里則古沂山當卽指此隋唐時始移沂山之名於東泰山而祀之以爲東鎮其實二山不可混也

元益都路治中姜居政東鎮靈應記承安庚申青陽屆候

天子詔有司按祀典以祝冊付益都統軍使僕散昭武使行禮於東鎮東安王之祠公命臨胸令蒲察昭武前夕省牲公迺齋沐虔誠質明卽事三獻禮畢東方未明公少憇於客館從者報有大小二鹿自東踰垣入館公命左右勿殺令揮去其鹿南趨屏山須臾大者復回如是者三再至館門爲御者得以獻於公山中耆老相與稱道自國致祭以來未嘗見此異事意者神其復禮於公不然彼何舍其身自棄於人哉蓋默爲神使不知其來也縣令昭武觀此嘉應召道士胥從簡祀之從簡再拜言曰始來而不殺迺公之好生旣去而復回迺神之效靈噫鹿斯之奔胡爲乎詣公之庭神之聽之福祿來成鹿斯之奔胡爲乎至公之館神之聽之福祿來反

方輿考證卷十七 山東一

嶧山在鄒縣東南二十五里通作繹○爾雅屬者繹郭璞曰繹山純石積構連屬如繹絲然故以爲名○左氏傳哀公七年邾人保繹杜注繹山在鄒縣○史記秦始皇二十六年東行郡國上嶧山按山北有絕巖始皇命丞相李斯以小篆勒銘山巔名曰書門○漢書地理志魯國騶縣故邾國嶧山在北胡渭曰今兗州府鄒縣東南有嶧山一名邾嶧亦曰鄒嶧此卽鳧繹之繹左氏傳邾文公卜遷於繹史記秦始皇刻石頌功德者也○水經注嶧山東西二十里高秀獨立積石相臨殆無土壤石間多孔

穴洞達相通往往有如數間屋處俗謂之嶧孔避亂入嶧外寇雖衆無所施害晉永嘉之亂太尉郗鑒將鄉曲逃此山羣賊攻守不能得今山南有大嶧名郗公嶧○太平寰宇記嶧山亦名鄒山魯繆公改邾作鄒其山遂從邑變謂之鄒山秦始皇乘羊車登之其路猶在黃河去鄒山三百里晴明日望之可見○宋會要大中祥符元年詔封嶧山神爲靈巖侯○明通志引金大定中鄒繹山圖記環魯之山玲瓏秀峙未有如此山之奇者故四方游士皆稱爲靈仙之窟宅所謂下邳之嶧蓋罕聞焉。一統志嶧山孔穴甚多其大者名妙光洞相傳有穴與洞庭通。按鄒嶧與葛嶧自是二山漢書地理志東海郡下邳葛嶧山在西古文以爲嶧陽魯國驪縣嶧山在北本極分明自宋林少穎始誤以葛嶧爲鄒嶧胡渭禹貢錐指謂嶧山自北而南葛嶧乃鄒嶧之盡處皆非是

大川

黃河○歷代黃河遷改之道關係山東者已詳山川總目茲載咸豐五年河決銅瓦廂以後改道北流入海之大略以補原書未及○咸豐五年六月河南蘭陽汎銅瓦廂之堡河決水由直隸東明長垣開州山東濮州范縣至張秋滙流穿運歸大清河入海銅瓦廂者明景泰四年所開之渠以引河入衛者也是時濮范以下壽張東阿以上及東平汶上平陰茌平長清肥城齊河歷城濟陽齊東惠民蒲台濱州利津沿河州縣均遭水患七年齊河知縣蔣士潢以境內除大清河之外尙有溫聰趙牛倪倫三河爲夏秋洩水之所蘭儀河決平陰長清之十二連窪灌入溫聰趙牛倪倫三河加以魚山迤東大清河河北岸夏家口黃家

溝于莊三處漫口之水均各出槽魚山北流之水直達齊禹長清請於張秋至魚山一帶築堤四十餘里自是自魚山至利津海口民埵漸成可以自衛惟蘭儀之北張秋之南河自決口而出奪趙王沙河及舊引河汎濫平原田廬多被淹沒以河工費鉅決口久不治同治二年黃河漲溢荷澤定陶曹縣濮州鉅野城武等處半入巨浸七年河決趙王河之紅川口霍家橋大溜漸移安山由安山入大清河十年八月河又決鄆城侯家林漫入南旺湖又由汶上嘉祥濟甯之趙王牛頭等河東南入南陽湖十二年河決東明石莊戶由石莊支門徑下湖運者爲南溜由正河北注折入鄆壽者爲北溜由紅川分入支河者爲中溜其間支流互串忽南忽北十三年巡撫丁寶楨勘石莊戶口門堵合工費鉅請從荷澤之賈莊北爲開州藍口作爲壩基從賈

莊堵合正溜由藍口分溜引歸舊河則由張家支口王老戶下注東南之漫水皆可斷流疏入從之光緒元年三月荷澤賈莊大工堵築大工合龍水勢仍歸舊河下注張秋全溜入大清河歸海至是河流順軌始改道由南而北焉

運河自江蘇沛縣入山東兗州府邳嶧縣南五十里西北逕滕縣東南六十里又西北逕魚臺縣東北三十里折而北逕濟甯州西三里與嘉祥縣分界又北逕汶上縣西南三十五里又北入泰安府東平州界自南而北有泇河南旺張秋等名元史河渠志濟州汶泗相通非自然長流河道於兗州立牐堰約泗水西流垆城立牐堰分汶水入河南會於濟州以六牐擗節水勢啟閉通放舟楫南通淮泗以入新開會通河明史河渠志洪武二十四年河決原武漫安山湖而東會通盡淤永樂九年用濟甯

州同知潘叔正言命尙書宋禮濬會通河禮用汶上老人白英策築壩東平之戴村遏汶水盡出南旺南旺者南北之脊也自左而南距濟甯九十里合沂泗以濟自右而北距臨清三百餘里獨賴汶自南旺分水北至臨清降地九十尺置牖二十有一南至鎮口降地百十有六尺置牖二十有七其外又有積水進水減水平水之牖五十有四壩二十有一所以防運河之洩佐閘爲用焉運河逕東平州西南有閘一曰安山西北流入兗州府壽張縣境又北逕東阿縣西又北流入兗州府陽穀縣界元史河渠志至元二十六年開河以通運道起須城安山渠西南由壽張西北至東昌又西北至臨清引汶水以達御河長二百五十餘里建閘二十有一以時蓄洩河成賜名會通至明洪武末河始淤墊云運河自陽穀縣流入東昌府聊城縣境又北逕

方輿考證卷十七

山東一

二

堂邑縣東北四十五里博平縣西南二十五里又北逕清平縣西南三十里北流入臨清州境至城南貫城而北衛河自西來入之又東北逕夏津縣境又北至武城縣境又北流入直隸故城縣境又東北入恩縣境又自恩縣之西入德州境又自德州八里塘二十四里至直隸吳橋縣境自陽穀縣至臨清州長一百七十七里卽元明以來會通河之舊道皆汶水也是爲上河閘凡九自臨清北至直隸吳橋縣長二百二十七里皆衛水也是爲下河不設閘明史河渠志正統十三年河決沙灣臨清告涸侍郎趙榮則請置減水石壩以蓄運河之水四年壩壞尙書石璞鑿河三里以避決口明年運河高淺如故都御史徐有貞請置減水閘開分水河挑運河工竣會通復安 本朝順治九年河決安平隄漫堂邑博平臨清各隄閘總河楊方興塞之康

熙六十年黃沁並決修東昌臨清各屬隄岸以衛運河乾隆二
年修聊城縣房家口進水閘以洩白家窪之水入運河又修博
平縣三教堂減水閘洩運河之水入馬頰河十八年重修聊城
縣十里鋪進水閘以洩曹州府各屬之水入運三十二年添建
臨清月河單閘以洩運河之水入衛此皆保運之前算云

濟水舊自河南流入境其上源曰沅水○禹貢導沅水東流為濟

○周禮職方氏兗州川曰河濟○春秋莊三十年公及齊侯遇
於魯濟杜預注濟水歷齊魯間在齊界為齊濟在魯界為魯濟

○戰國策蘇秦說齊宣王齊西有清河北有渤海清河即濟水又燕

王謂蘇代曰齊有清濟濁河可以為固○史記齊湣王四十年

樂毅并護楚趙韓燕四國之兵以伐齊戰於濟西齊師大敗○

漢書地理志濟水過郡九河東河內陳留梁國濟陰泰山濟南齊郡千乘行千八百四

方輿考證卷十七 山東一

十里○水經注濟水當王莽之世川瀆枯竭其後水流逕通津

渠勢改尋梁脈水不與昔同水經注濟水東出於陶邱北又東

至於荷今定陶縣西南有定陶故城陶邱亦在西南去縣七里

胡渭曰此後世滎瀆之所經非禹迹也今曹州定陶界中並有濟水故道禹時則濟

水伏流涌自陶邱以北無上源自定陶縣東北又東至乘氏縣

西分為二南為荷水北為濟瀆其一水東南流其一水濟水故

瀆又北合洪水又東北過壽張縣西界安民亭南汶水從東北

來注之今壽張縣東五十里所謂清口也禹貢濟東北會於汶

今枯渠注巨澤巨澤北則清口清水與汶會也胡渭曰濟水自

鉅野澤而北合洪水以至安民亭南者禹之舊迹也其後不知

何年改從澤西之清水而繞澤北以會汶謂之清口其澤中之

道自洪口至清口者則無水故水經注謂之故瀆今會通河逕

鉅野縣東北去故城已遠并清水會汶之故道亦湮沒而不可

考濟水自壽張縣西會汶水又北逕梁山東又東逕須朐城西

東平州西南又北逕微鄉東在壽張縣西又北逕須昌縣西東

州西有須昌故城又北逕魚山東魚山在東阿縣西左合馬頰水又北逕清亭

東東阿縣東北四十里又北逕穀城縣西今東阿縣治又北逕周首亭又北逕

臨邑縣東今在平縣地又北逕平陰城西今平陰縣地又東北逕垣苗城

西今長清縣西南又東北逕盧縣北又逕盧縣故城北今在臨邑縣又東北

與中川水合又東北右會玉水又東北灤水出焉又東北逕華

不注山又東北逕臺縣北今歷城縣東北有臺縣故城又東北逕管縣故城

南右納百脈水又東逕梁鄒縣北今鄒平縣治又東北逕臨濟縣南

今高苑縣西南有臨濟故城又東北迤為淵渚謂之平州即今高苑縣東南十里麻大泊又

東逕高昌縣故城西今在博興縣西南又東逕薄姑城北今博興縣東北蒲姑城

又東逕狼牙固西又東北逕利縣西今博興縣東有利縣故城又東北逕樂

安縣故城南故城在今博興縣東北又東北至甲下邑南東歷琅槐縣故

城北又東北河水枝津注之又東北入海渤海在今樂安縣東北一百三十里胡

方輿考證卷十七 山東一

渭曰以今輿地言之自東平會汶以下東阿平陰長清齊河歷

城章邱鄒平長山新城高苑博興樂安皆禹貢濟水入海之所

經也濟水自東平以下唐人謂之清河至宋又有南北清河之

分河渠志熙甯十年河決澶州徙而南東滙於梁山張澤灤分

為二派一合南清河入於淮一合北清河入於海南清河即泗

水北清河即濟瀆南渡後北清河又有大小之分自劉豫導灤

東行始齊乘以大清河為古濟水小清河為豫所創志家皆沿

其說黃子鴻非之曰以水經注元和志寰宇記諸書考之濟水

最南漯水在中河水最北今者小清所歷自歷城以東至博興

樂安諸縣皆古濟水所行而大清所經自歷城以上至東阿固

皆濟水故道而自歷城東北如濟陽齊東青城諸縣則皆古漯

水所行蒲臺以北則故河水亦經蓋宋時當行漯瀆及河決則

大清兼行河漯二瀆其小清所行則斷為濟水故道也涓按子鴻所言正三百餘年積傳之謬蓋清河所行本濟瀆不知何時從歷城東北決而北入濟陽縣北與漯水合而清河之名遂被於漯濟陽之流日盛則章邱之流日微故劉豫堰灤水使東以益之齊乘之大清河自齊河縣又北經歷城上灤橋北灤水分入濟處堰南即小清河按響河即聽水也此大清河猶是濟之故瀆其所行者實濟水故道而志家反以濟陽之大清河為古濟舛錯殊甚不有子鴻其誰正之然大清自歷城入濟陽及濱州以東入海之道不知決於何年意者宋熙甯時河決合北清河入海始開此道其後金明昌五年河復由此入海久而後去流益深通此大清之所以浩浩而小清所以屢濬屢塞歟濟水自周以來凡數變初為濟及導滎為川則滎與濟合鴻溝既開滎瀆為河所亂及滎澤又塞則所

方輿考證卷十七 山東一

古

行者惟河水汴渠不通則鉅澤以北所行惟荷汶戴村已築則東阿以下所行惟山泉溝澤之水其號為濟者襲舊名而已按今黃河由大清河入海清河變為濁流并濟之名不能襲矣杜佑

通典譏水經注紕謬謂濟水不復絕河而北胡渭亦謂自東漢以迄唐初凡行濟瀆者皆河水是鵲巢鳩居觚名圍實按水經所述者禹貢之水道不能因後之枯竭而沒前疏導之功不然道元北人必不至憤憤如此今仍辨而錄之

汶水禹貢浮于汶達于濟爾雅汶別為闡水經注汶別為闡猶洛之有波○漢書

地理志汶水出泰山萊蕪縣原山西南入濟○後魏書地形志

羸縣有馬耳山汶水出按馬耳山即原山今又名岳陽山在今

萊蕪縣東北七十里○水經注汶水出泰山萊蕪縣原山述征記曰

汶水出縣西南流自入萊蕪谷夾路連山數百里水墮多行石澗中西南逕羸縣故城南故城在今萊蕪縣西又東南逕奉高縣北按今府東有奉高廢縣屈從縣西南流與一水

合俗謂之牟汶水出牟縣故城西南阜下俗謂之胡盧河西南逕奉高縣故城而西南流注於汶按今萊蕪縣

東有牟縣故城牟汶水在縣南門外西流至府城東入汶又南右合北汶水出分水谿東南流逕泰山東合天門一谿水又東南流逕南明堂下昔漢武令奉高作明堂引水為辟雍世謂之石汶又左入於汶水按今泰安府南有泮水出泰山分水嶺考其源流蓋即北汶又西南逕徂徠山西又南逕博縣故城東又

西南逕龍鄉故城南又西南逕亭亭山又南左會淄水世謂之

柴汶水出泰山梁父縣東西南流逕菟裘城北又逕梁父故城南又西南逕柴縣故城北又逕成邑北春秋齊師圍成成人伐齊飲馬於斯水者也淄水又西逕陽關城南西流注於汶水按柴汶水俗名司馬河又南逕鉅平縣故

城東又西南逕魯國汶陽縣北又西逕汶陽縣故城北又西洸

水出焉又西逕蛇邱縣南又西南逕岡縣北又西南逕東平章

縣南又西南逕桃鄉縣故城西又西南逕壽張縣北又西南至

安民亭入於濟今府西南十里安山鎮即故安民亭汶水自桃鄉四分當其派別

之處謂之四汶口即今戴村壩地其左二水雙流西南至無鹽縣之郈

鄉城南又西南逕東平陸故城北又西逕危山南世謂之龜山又西

合為一水西南入茂都澱即今南旺湖次一汶西逕郈亭北又西至

壽張故城東遂為澤渚其右一汶西流逕無鹽故城在今東平州東又

西逕洽鄉城南又西南逕壽張縣故城北城在州西南又西入於濟

胡渭曰以今輿地言之汶水自萊蕪歷泰安肥城甯陽至東平

州入濟合流以注於海此禹迹也迨元人引汶絕濟為會通河

明永樂中又築戴村壩遏汶水盡出南旺以資運而安山入濟

之道填淤久矣○元和志乾封縣界有五汶源別而流同五汶

者曰北汶羸汶柴汶牟汶其一則經流○胡渭曰水經注無羸

汶羸汶在今萊蕪縣南三十里源出宮山之陰合於牟汶宮山

者新甫別名也山在新泰縣西北泮水源出泰山分水嶺即北

汶州志謂之甄汶五汶之外有小汶源出宮山流逕徂徠山南

又西入汶水所謂大汶口也羸汶流合牟汶故水經注不言五

汶

汶

汶

汶以小易羸斯爲常矣○方輿紀要元憲宗七年濟倅畢輔國始於汶陰堤城之左作斗門一遏汶南流至任城合泗水以餉宿蘄戍邊之衆謂之引汶入泗而汶始南通於泗至元間以江淮水運不通自任城開渠達於須城安山爲一牘於奉符即堤城牘以導汶入洸爲一牘於兗州今府城東金口牘是也以導泗沂會洸合而至會源牘南北分流二十六年又用壽張尹韓仲暉言復自安山西開河由壽張西北屬衛漳謂之引汶絕濟而汶始北通於漳明永樂九年以北京爲行在濟甯州同知潘叔正言故會通河四百五十餘里其淤者三之一可濬之以通漕乃命宋禮等往治築壩於東平州之戴村橫亘五里遏汶水西南流盡出於南旺至分水龍王廟分爲二支四分南流以接徐沛六分北流以接臨清蓋運河之原委全藉汶河矣

方輿考證卷十七 山東一

海○海自江南海州贛榆縣而北爲山東沂州府日照縣境有菘水海口又東北爲青州府諸城縣境有董家陳家曹家等海口又東北爲萊州府膠州境有守風灣海口又有麻灣海口又東北爲卽墨縣境有陰島海口又有金家女姑天井灣等海口又東北西折爲登州府萊陽縣境有蠡島羊郡李家等海口又東爲海陽縣境有黃島龍山琵琶等海口又東北爲甯海州境有浪暖海口又東爲文登縣境有五壘島海口又東爲榮城縣南境有石島海口又北折爲縣東南境有裏島佳島雞汪倭島諸海口又北爲縣東境有成山史記封禪書所謂成山斗入海者也三國志孫權使周賀使遼東還至成山田豫擊斬之元人海運避成山之險以旁多礁石海道極險處也又西折爲縣北境有朝陽灶阜諸海口又西爲文登縣北境有長峰威海司諸海

口按明代海防文登營所屬之衛曰甯海威海成山靖海凡四所則甯峯海陽金山百尺崖尋山凡五又有清泉赤山等寨辛汪溫泉鎮諸巡司而成山以東若早門灘九峯赤山白蓬頭諸島沙磧連絡侵犯不易然明初倭寇成山掠白峯若羅山若居民重罹其害諸衛亦幾為虛設矣

又西為甯海州北境有養馬島戲山金山等

海口又西為福山縣境有大河海口又有之罘海口在之罘山下即秦始皇刻石紀功之山也又有烟臺海口又有八角海口

宋史淳化八年遣陳靖等使高麗自東牟趨八角淀又西北為

蓬萊縣北境有廟島為古沙門島宋時犯法者多刺配此島亦

戍此島以備契丹元人又於此設監通海運有天橋海口在水

城內本宋之刀魚寨慶厯三年郡守郭志高奏置刀魚巡簡水

兵三百戍沙門島又有新開抹直灣子欒家等海口

蓬萊縣東北七十里有北城隍島一名漢島

又西為黃縣境有黃河營龍口等海口又西南為招遠縣境有東良海口明史地理志招遠西有東良海口巡檢

方輿考證卷十七

山東一

七

司又西南為萊州府掖縣境有三山島海口又有海倉口又有

石灰灣虎頭崖海廟等海口又西為昌邑縣境有下營海口又

西為濰縣境有龍王廟海口又西北為青州府壽光縣境有洱

河海口又有淄河門海口又西北為樂安境有注河海口又西

北為武定府利津縣境有牡蠣海口即古干乘海口也又西北

為霑化縣境有石橋大洋等海口又西北為海豐縣境有月河

海口又有城子海口又西北入直隸鹽山界

重險

穆陵關在青州臨朐縣東南百有五里大峴山上一名破車峴其

左右有長城書案二嶺○左傳管仲曰賜我先君履南至於穆

陵○元和志穆陵關在沂水縣北一百五十里○太平寰宇記

破車峴高七十丈周回二十里道路險惡故名破車峴○齊乘

大峴山卽穆陵關也沂山東南曰大弁山今人訛作大屏字相類而誤唐沈亞之沂水雜記又訛作太平山因頂平八九十里故云當以水經作大弁者是大弁東南卽大峴也其山峻狹僅容一軌故爲齊南天險劉裕伐南燕兵過大峴指天而喜曰虜已入吾掌中卽此山北數里有裕祭天五壇○通志穆陵關泲水南流南則有莒州之雲禮山壺山七寶山黃山獨坐山沂水縣之荆山外則有安邱縣之摘葉山望海山擂鼓山鷹嘴山鳳皇山燈臺山○按穆陵杜元凱集解闕自元和志以下俱謂卽今之大峴治輿地者無異辭也春秋大事表引華氏說以爲穆陵在楚地好爲異說似是而非青州府關隘下已辨其誤不復出

濟南府

方輿考證卷十七

山東一

六

沿革○禹貢青州之域春秋戰國並爲齊地秦屬齊郡漢初屬齊

國呂后初割齊之濟南爲呂國文帝初復故

文帝十六年分置濟南國

西南境爲濟北國西北境

爲平原郡東北境爲千乘郡地

景帝二年除爲濟南郡後漢建武十五年仍爲

濟南國三國屬魏爲濟南郡齊王芳正始七年復爲國晉復爲郡泰始元年復爲國咸甯三年復爲郡劉宋割青州西部於郡僑立冀州後魏皇興三年改爲齊州兼置濟南郡北齊北周皆因之隋初罷郡存州煬帝又改齊州爲齊郡唐復爲齊州天寶初改爲臨淄郡五載又改濟南郡乾元初復爲齊州宋因之升爲興德軍政和六年又升爲濟南府金爲濟南府元改爲濟南路明改爲府爲山東布政司治 本朝因之

形勢○府南阻泰山北襟渤海水陸四通爲三齊之都會○宋書垣護之傳孝建三年議移青冀二州併鎮厯城垣護之曰青州

北有河濟又多陂澤非敵所向每來寇掠必由歷城北又近河歸順者易近息民患遠申主威此安邊上計也議遂定○後魏書慕容白曜傳慕容白曜攻歷城未下宋青州刺史沈文秀偽以東陽請降司馬酈範曰東陽未可輕也不若先取歷城克般陽下梁鄒平樂陵然後按兵徐進不患其不服也白曜從之青冀皆平○金史蒙古網傳濟南介山東兩路之間最為衝要其言可謂審矣○府境東至青州府臨淄縣界二百五十里西至東昌府茌平縣界一百四十里南至泰安府泰安縣界一百里北至直隸河間府吳橋縣界三百十七里自府治至 京師九百里領州一縣十五

歷城縣 戰國齊歷下邑漢置歷城縣屬濟南郡後漢屬濟南國晉初因之永嘉後為濟南郡治宋元嘉九年又僑置冀州治此後魏為齊州濟南郡治隋為齊郡治唐為齊州治宋為濟南府治金因之元為濟南路治明復為濟南府治 本朝因

方輿考證卷十七 山東一

九

之○附郭東西距一百十里南北距一百五十里東至章邱縣界九十里西至長清縣界二十里南至泰安府泰安縣界一百里北至濟陽縣界五十里東南至章邱縣界九十里西南至長清縣界七十里東北至章邱縣界一百里西北至齊河縣界四十里 十章邱縣 漢置陽邱管二縣俱屬濟南郡後漢省陽邱劉宋又里改曰章邱屬齊郡唐武德二年移置高唐縣於此隋開皇十六年德三年置清平軍熙甯三年軍廢仍為縣屬濟南府金因之元屬濟南路明屬濟南府 本朝因之○在府東一百十里東西距四十里南北距一百三十里東至鄒平縣界二十里西至歷城縣界二十里南至泰安府萊蕪縣界九十里北至齊東縣界四十里東南至淄川縣界六十里西南至歷城縣界九十里東北至鄒平縣界四十里 鄒平縣 漢置梁鄒鄒平二縣屬濟南西北至濟陽縣界七十里 鄒平縣 郡晉省宋武帝於故梁鄒縣僑置平原郡并領平原縣後魏曰東平原郡隋開皇初郡廢十年改平原縣曰鄒平屬齊郡唐武德元年屬鄒州八年屬譚州貞觀元年屬淄州景龍元年於梁鄒城置濟陽縣元和十五年省入高苑宋景德元年移鄒平治濟陽廢縣仍屬淄州金因之元至元二年分屬濟南路明屬濟南府 本朝因之○在府東一百六十五里東西距四十五里南北距八十里東至長山縣界十里西至章邱縣界三十五里南至淄川縣界二十里北至武定府青城縣界六十里東南至長山縣界十二里西南至章邱縣界三十三里東北至青州府高苑 淄川縣 漢置般陽縣屬濟南郡後

漢屬齊國晉屬樂安國太康後省宋武帝僑置清河郡元嘉五年并置貝邱縣屬焉後魏曰東清河郡北齊郡廢隋開皇十六年於貝邱縣置淄州十八年改縣曰淄川大業初州廢屬齊郡唐武德元年復置淄州天寶元年改曰淄川郡乾元元年復曰淄州屬河南道宋屬京東東路金屬山東東路元中統五年升淄州路總管府至元二年改為淄萊路二十四年改曰般陽路明洪武初為般陽府九年降為淄川州屬濟南府十二年又降州為縣本朝因之○在府東少南一百二十里東西距八十五里南北距七十里東至青州府博山縣界三十五里西至章邱縣界五十里南至青州府博山縣界三十五里北至長山縣界四十里東南至青州府益都縣界四十五里西南至泰安府萊蕪縣界三十里東北至青州府益都縣界三十五里西北至長山縣界四十五里

長山縣 齊於陵邑漢置於陵縣屬濟南郡為都尉治十五里後漢屬濟南國宋武帝僑立武強縣并置廣川郡後魏因之北齊天保七年改廣川為東平原郡隋開皇初郡廢十八年改縣曰長山屬齊郡唐武德元年屬鄒州八年州廢屬淄州五代宋金因之元屬般陽路明洪武十五年改屬濟南府本朝因之○在府東一百九十里東西距五十五里南北距五十五里東至青州府臨淄縣界四十里西至鄒平縣界十五里南至淄川縣界三十里北至新城縣界二十五里東南至青州府益都縣治一百四十里西南至歷城縣治一百二十里東北至青州府博興縣治九十里西北至齊東縣治九十里

新城縣 漢置高苑縣屬千乘郡後漢屬樂安國晉為樂安國治劉宋省自隋至金為長山高苑二縣地元太宗始以長

方輿考證卷十七 山東一

山縣之驛臺地置新城縣屬般陽路明洪武十二年改屬濟南府本朝因之○在府東北二百六十六里東西距四十六里南北距二十六里東至青州府臨淄縣界四十里西至長山縣界六里南距長山縣界一里北至青州府高苑縣界二十五里東南至青州府博興縣界五十里西南至長山縣界三十里東北至青州府博興縣界五十里西北至長山縣界三十里

齊河縣 漢祝阿縣地唐為禹城縣地宋置耿濟鎮仍屬禹城金大定八年始置齊河縣屬濟南府元至元二年改屬德州明屬濟南府本朝因之○在府西四十二里東西距七十一里南北距八十一里東至長清縣界一里西至東昌府高唐州界七十里南至長清縣界一里北至臨邑縣界八十里東南至長清縣界半里西南至長清縣界三十里東北至濟陽縣界七十里西北至禹城縣界三十里

齊東縣 漢鄒平朝陽二縣地唐宋為鄒平縣地金置界四十里齊東鎮元憲宗二年始改鎮置縣屬河間路三年屬濟南路至元二年還屬河間路明洪武初屬濟南府本朝因之○在府東北一百五十五里東西距六十里南北距四十一里東至武定府青城縣界二十五里西至濟陽縣界三十五里南至章邱縣界四十里北至武定府惠民縣界一里東南至鄒平縣界四十里西南至歷城縣界五十里東北至濟陽縣界二十里西北至濟陽縣界三十里

濟陽縣 齊著邑漢置著縣屬濟南郡後漢晉宋魏皆因之北齊省隋唐為臨濟縣地宋為章邱縣地金天會七年初析章邱臨邑二縣地置濟陽縣屬濟南府元明不改本朝因之○在府東北七十里東西距一百四十里南北距六十五里東至齊東縣界八

十里西至禹城縣界六十里南至歷城縣界二十五里北至武定府商河縣界四十里東南至章邱縣界一里西南至齊河縣界八十里東北至武定府惠民縣界六十里禹城縣春秋齊高唐二縣屬平原郡後漢省瑗縣晉廢高唐入祝阿縣唐初移祝阿於此屬齊州天寶元年改曰禹城宋屬濟南府金因之元至元二年改屬曹州明洪武二十年屬濟南府本朝因之○在府西北一百十里東西距七十里南北距七十里東至濟陽縣界四十里西至平原縣界三十里南至齊河縣界七十里西南至東昌府高唐縣界六十五里東北至臨邑縣界三十五里西至臨邑縣界三十五里西北至平原縣界七十里臨邑縣春秋齊隰邑漢置漯陰縣屬平原郡後漢郡屬東魏郡隋屬齊郡唐武德元年屬譚州貞觀元年屬齊州宋屬濟南府金因之元太宗七年割屬河間路憲宗三年還屬濟南至元二年復屬河間明洪武初屬濟南府本朝因之○在府北一百四十里東西距四十里南北距六十里東至武定府商河縣界二十里西至陵縣界二十里南至齊河縣界四十里西南至禹城縣界五十里東至武定府商河縣界四十五里西北至陵縣界十五里長清縣春秋齊盧邑漢置盧縣文帝二年置濟北國於此武復置濟北國治盧晉因之宋屬濟北郡後魏屬太原郡北齊郡縣俱廢隋開皇十四年改置長清縣屬濟北郡唐初屬濟州天

方輿考證卷十七

山東一

三

寶中屬齊州宋屬濟南府元至元二年改屬泰安州明還屬濟南府本朝因之○在府西南七十里東西距一百里南北距一百五里東至歷城縣界四十里西至東昌府在平縣界六十里南至泰安府肥城縣界七十里北至齊河縣界三十五里東五十里東北至歷城縣界一百十里西南至泰安府平陰縣界五十里漢置安德縣屬平原郡後漢因之晉屬渤海郡後魏太和縣於縣置安德郡尋罷中興中復置隋開皇初郡廢九年於縣置德州大業初改為中原郡唐武德四年復置德州并置總管府貞觀元年罷天寶元年復曰平原郡乾元元年復曰德州屬河北道元和四年於州置保信軍節度五年罷宋曰德州平原郡屬河北東路金曰德州屬山東西路元亦曰德州初屬東平路至元中改屬濟南路明洪武初省安德縣入州永樂七年改陵縣為德州以故州為陵縣屬濟南府本朝因之○在府西北二百里東西距八十里南北距四十七里東至武定府商河縣界七十五里西至德州界五里南至平原縣界十八里北至德州界二十二里東至德平縣界四十里西北至德州治七十里禹貢兗州之域古有鬲氏之地漢置鬲縣屬平原郡後漢為州侯國晉亦曰鬲縣後魏初屬渤海郡後屬安德郡北齊省入安德隋開皇六年改置廣川於此十六年又分置將陵縣仁壽初改廣川口長河皆屬平原郡唐屬德州五代周省長河縣入將陵宋景祐元年移將陵治長河鎮改屬永靜軍金屬景州元憲宗三年割屬河間路尋升為陵州至元二年復為縣三年復

爲州明洪武初復降爲縣屬濟南府永樂七年改德州爲陵縣以故陵縣爲德州本朝因之○在府西北二百六十里東西距一百三十三里南北距六十里東至陵縣界六十八里西至直隸河間府故城縣界三十五里南至東昌府恩縣界四十里北至河間府景州界二十里東南至平原縣界四十里西北至河間府故城縣界十三里東北至河間府吳橋縣界二十里西北至河間府景州界三十里德平縣漢置平昌縣屬平原郡後漢曰西平昌縣屬渤海郡熙平中屬樂陵郡天平初分屬東安德州北齊郡廢仍屬平原郡隋因之唐屬德州太和二年割屬齊州三年還屬德州五代後唐改曰德平宋神宗初省爲鎮入安德元符二年復置屬德州金元因之明屬濟南府本朝因之○在府北二百五里東西距七十里南北距五十五里東至武定府惠民縣界三十里西至德州界四十五里南至臨邑縣界三十里北至直隸河間府甯津縣界二十五里東南至武定府商河縣界三十里西南至陵縣界三十里東北至武定府樂陵縣界二十五里西北至河間府吳橋縣界四十五里平原縣戰國齊趙之境屬平原邑漢置平原橋縣界四十五里平原縣縣並置平原郡治焉屬青州後漢建安十八年以郡屬冀州晉爲平原國治後魏泰常末置東青州皇興中與郡俱廢太平眞君三年省縣入高太和二十一年復置屬渤海郡中興中屬安德州隋屬平原郡唐屬德州宋金元明不改本朝屬濟南府○在府西北一百八十里東西距五十五里南北距八十里東至禹城縣界四十里西至東昌府恩縣界十五里南至東昌府高唐州界五十里北至德州界三十

方輿考證卷十七

山東一

三

里東南至禹城縣界四十里西南至臨清州夏津縣界五

山川

○廟山在歷城縣東界二十五里西北至德州界三十里

城縣東南三十里上有東西二洞○王存元豐九域志此山禹所嘗登亦名禹登山○齊乘山如重巖西洞透深一里許秉火可入東洞在萬仞絕壁之上洞口釜鬻尚存煙火之迹如墨昔人避兵引繩以上有翠屏巖獨秀峯三秀峯峯側龍祠郡邑禱雨極應歷山在歷城縣南五里○麗道元水經注歷城南對山山應井抑亦茅山禹井之比矣○寰宇記歷山在縣南五里一名舜耕山○于欽齊乘又名千佛山本朝乾隆十三年高宗純皇帝御製千佛山詩函山在歷城縣南二十里一名玉函山○

青嘴赤黃素翼絳額名王母使者昔漢武登此山得玉函長五寸帝下山玉函忽化爲白鳥飛去世傳上有王母藥函常令鳥守之○府志又名卧佛山

仙臺山在歷城縣南四十里產羊肝上有碧霞殿路有十八盤石花板石又有仙臺嶺傳

漢武於此望康玉山在歷城縣南五十里

石固寨山在歷城縣南五十里南有鳳

龍山在歷城縣西南十里

奎山在歷城縣西

人嘗置寨於此故名

南十五里○三齊記殷時有道士隱於此野火黃山在歷城縣
四發道士祈天即雨今人遇旱燒山禱雨多應黃山在歷城縣
里○齊乘山周如城岱陰諸谷之水奔流至山西匯為池圍數
畝不溢至山北而伏流即渴馬崖也至府城西南而復出為鈞
突匡山在歷城縣西○魏書地形志歷城有匡山○齊乘山
在歷城縣西北十二里○齊乘山北有藥山山產陽起石○
舊志上有九峯並列本草謂山無積雪草木常青蓋有陽氣蒸
鬱使然其南又有鞍山相黃台山在歷城縣北八里○魏書
傳晉師伐齊戰於鞍即此黃台山地形志歷城有黃台山 鵲
山在歷城縣北二十里濼口鎮亦名鵲山○魏書地形志臨邑
有鵲山○隋書地理志歷城有鵲山○齊乘王繪李白詩注
云扁鵲煉丹於此故名○舊志大清河流於其東名鵲山湖上
有鵲山亭古有鵲山院 本朝乾隆十三年 高宗純皇帝東
巡有 御九里山在歷城縣東北九里相傳韓 華不注山在歷
製鵲山詩九里山信破齊歷下嘗駐軍於此 華不注山在歷
東北○春秋成公二年戰於鞍齊師敗績逐之三周華不注○
魏書地形志歷城有華不注山○水經注濟水又東北逕華不
注山虎牙架立孤峯特拔青崖翠發望同點黛下有華泉○元
和志華不注山一名華山在歷城縣東北十五里○寰宇記一
名金輿山○齊乘左傳師至靡笄之下逢丑父使公下如華泉
取飲則此山亦名靡笄伏琛齊記不讀如跗與詩鄂不韡韡之
不同謂花蒂也言此山孤秀如花跗之著於水也 本朝
乾隆十三年 高宗純皇帝東巡有 御製華不注山詩鮑山

方輿考證卷十七

山東一

三

在歷城縣東北三十里○隋書地理志 東陵山在章邱縣東南
歷城有鮑山○明統志山下有鮑城 東陵山在章邱縣東南
書地理志章邱有東陵山○元和志在縣南二十八里莊子曰
盜跖死於東陵之上○寰宇記山南有盜跖冢舊志亦名跖山
樂盤山在章邱縣南二十七里○寰宇記山有樂盤山章
邱縣南二十八里○隋書地理志章邱有龍盤山○元和志山
在縣南二十五里○寰宇記山南屬全節北屬章邱兩縣中分
周初有神龍 湖山在章邱縣南五十里有南北中三麓○明
潛此故名 湖山統志下有小山俗名一品山禱雨多應 雞
山在章邱縣西南四十里○魏書地形志衛國有雞山○隋書
地理志歷城有雞山○水經注巨合水出雞山西北○寰宇
記昔有神雞晨鳴於此候 危山在章邱縣西南四十里○寰宇
之獲一石潔白如玉因名 危山記縣東北二里危山之頂有平
陵王墓○縣志 亭山在章邱縣西南六十里○元和志亭山縣
今人呼為鐵墓 亭山本漢平陵縣宋衛國縣開皇六年改縣南
有亭山因 冶山在章邱縣西南六十里 趙山在章邱縣西南六
以爲名 冶山唐時治鐵於此故名 趙山在章邱縣西南六
峙不可通行俗名四門山其西爲虎山積石 虎門山在章邱縣
嶢岩狀若虎踞山半有拔注泉下有漿水泉 虎門山在章邱縣
里石崖中斷 女郎山在章邱縣東北一里○水經注陽邱縣南
若門故名 女郎山有女郎山上神祠俗謂之女郎祠○
齊乘一名小田山齊記章亥有三女 黃山在鄒平縣東南三里
溺死葬此有三陽洞俗云有子張墓 黃山土色多黃故名○魏

書地形志平原原有黃山。○府志山半有翠微亭。于茲山在鄒平
山麓為遐景亭元大德中處士安仁甫所築。十里三峯列秀當大路之
口舊有于茲仙翁祠今廢。太湖山在鄒平縣東南二十里接長
湖山。長白山在鄒平縣南二十里東北屬長山北屬鄒平折而
之副嶽繡江發源於此。○魏書辛子馥傳長白山連接三齊多
有盜賊子馥受使檢覆因辨山谷要害宜立鎮戍之所。○隋書
地理志章邱有長白山。○元和志長白山高二千九百丈周迴
六十里相傳陳仲子夫妻所隱也。○太平御覽以山中雲氣長
白故名。○齊乘山阿有醴泉寺相傳誌公卓錫之地宋范文正
公讀書寺中有上下二書堂在巒堂嶺會仙峯下皆宋代所建
○明統志長白山在長山縣西南三十里又名會仙山山下有
峯孤秀盤鬱獨壓衆山。○縣志長白山西南會仙一峯最高登
山之道南由大峪書堂北由魯家泉風門道近頂五里許峭立
險仄非攀援不能上轉而南下有宣風洞上書堂范公泉其側
為貓頭峯前為狻猊峯南向東轉其陰為羅圈峪又東南為摩
阿頂自羅圈峪委折而東有超壑峪種金頂劈尖頂桃花峪水
尖頂此長白之南嶂也其北嶂自會仙東則為老人峯又東為
鍛砧峯當縣治正南十三里其南則即台山也西嶂之間為大
峪峪有象山其劈尖頂之北有南石戶頂北石戶頂有滴水
崖玩湖頂下為魯家泉有徐郭洞一名玉泉洞去縣八里。富
相山在鄒平縣西南五里一名賀家山下有賀家村故名山不
甚高樹木繁茂杏花柿葉徧滿山谷西有乳泉邑人取以

方輿考證卷十七 山東一

書

釀酒又有景相公山在縣西九龍山在鄒平縣西南十五里。○
南三里以下有景範墓得名。九龍山齊乘謂之啞婦山。○舊志
山北有九峯如聯珠六七峯之間名啞。鳳凰山在鄒平縣西南
婦口或稱隘阜口山路險仄穿鑿而成。鳳凰山在鄒平縣西南
有迦峪。宿山在鄒平縣西十里圓峯孤立九龍山繞其梓桐
山在淄川縣東十里後有壘園洞亦名鬼谷舊傳鬼谷子隱居
此洞西有王樵爾室其東曰吉磨山出磨石山上有石碌井
淄山在淄川縣東南三十里又有摘星山在淄川縣東南四十
原山在淄川縣東南七十里接青州府益都縣界。○漢書地理
志萊蕪原山淄水所出。○元和志山去淄川縣六十里。○
齊乘一名岳陽山跨淄川益都兩縣界。○笠山在淄川縣南十
縣志在縣南九十里西去萊蕪七十里。○笠山在淄川縣南十
山在縣南萬山在淄川縣南三十五里以崑崙山在淄川縣西
二十五里萬山羣山環繞其左右故名。崑崙山在淄川縣西
形如轂輪又有三台山。甲山在淄川縣西南三十里。○水經注
亦在縣西南二十里。甲山萌水出西南甲山。○縣志舊名祝
山。虎山在淄川縣西南三十里又有嶺山在縣西。冲山在淄川
十五里。煥山在淄川縣西北十里。明山在淄川縣西北二十五里
有水澄澈。浮山在淄川縣北二十里。○舊志豐。巒山在淄川縣
見底故名。浮山水薄其下遠望之如浮水上。巒山在淄川縣

即古黃山接章邱鄒平二縣界○水經注德會水出昌國黃山
○寰宇記巽山相傳鄭康成注詩書棲遲於此上有古井不竭
獨生細草葉似**卧牛山**在長山縣東六十里**米山**在長山縣南三十里○
雍謂之書帶草**花山**在新城縣東南四十里土崖無**四角山**在新
於此為虛糧石原谷繡錯遠望如蓮花故名○**四角山**城縣
以示敵故名○元史哈喇布哈傳嘗以事至益都於四脚山
東南四十五里○**馬公山**在新城縣東南四十五里山下有一畝石
舊作合刺普**羅山**在新城縣東南五里不生草木天欲雨則雲氣蔚然
華今改正**商山**在新城縣界亦名鐵山○晉書慕容德
載記立治於商山置鹽官於烏帝澤以廣軍國之用○魏書食
貨志崔亮言南青州苑燭山齊州商山並是往昔銅官舊迹見
在並宜開鑄○寰宇記商山在淄川縣北七十里昔有鐵礦古今
鑄焉○一統志山前有盤龍嶺後有鐵牛峯左有金山祠右有
蓮洞絕頂有爐神**太子山**在長清縣東七十里又有**通明山**在長
東六十里舊名屏風山峭壁中有**崗山**在長清縣東南三十里
石孔日光東西通明因改今名**雞鳴山**在長清縣東二十一年
帝南巡經此俱有御製崗山詩**方山**在長清縣東
清縣東南九十里亦名靈巖山○水經注玉水西北流經玉符
山○齊乘府西南龍洞山西南有方山在長清縣界疑即水經

方輿考證卷十七 山東一

注之玉符山也○一統志上有六泉曰黃龍甘露獨孤雙鶴卓
錫石龜皆甘冽下有靈巖寺為濟南名刹歷代題咏甚多本
朝乾隆二十二年建有行宮二十七年三十年四十五年
四十九年高宗純皇帝南巡駐此俱有御製方山詩
公山在長清縣東南九十里一名朗公谷**南黃山**在長清縣東
山餘脈與徂徠**青崖山**在長清縣南四十里岡巒綿亘崖谷常
梁父並峙者**合流**其下稍西北曰五峯山岡巒還相合泉石甚勝○元史嚴
實傳實攝長清令金行書疑實通於宋欲殺實實挈家壁於青
崖**隔馬山**在長清縣南六十里○魏書地形志山在縣有隔馬
沙衛殺馬於隘以塞道即此○齊乘玉符山西為馬隔山山東
北曰神林有隔馬神祠祠南一潭清澈如鑑歲旱禱雨輒應
獵山在長清縣東北四十里○水經注玉**基山**在德平縣西二
若臺基**分水嶺**在章邱縣東南三十里其水自嶺上東西分流
故名○西陽雜俎云金杏種出分流山昔漢武
訪蓬瀛有獻是者帝嘉**天蒼嶺**在章邱縣東南七十里俗傳有
之今人猶呼漢帝果**長城嶺**在章邱縣南九十里接泰安府
樵人趙八居此因名**黑牛嶺**在章邱縣南一百里**桃花嶺**在長山縣東
築西接平陰**東距大海**高峻深遠多產巨木

寨蒼龍峽在淄川縣東南三十里即般水所出之大峪在鄒平

十五里○縣志中有二十四龍洞在章邱縣西南八十里接歷

村高廣幽深多良田佳木○龍洞在歷城縣東○水經注東

屋石壁具神佛四十餘軀巧若○水經注東○水經注東

天造西洞深數里中有盆石泉○水經注東○水經注東

北流經歷城東北為破謂之歷水與濼水會○水經注東○水經注東

水在縣東門外十步關盧水源在歷城縣東○水經注東○水經注東

與濼水同入鵲山湖○水經注東○水經注東

至平陵城與武原水合武原水出譚城南平澤中北逕譚城東

又北逕東平陵縣故城西北逕巨合城東合關盧水而注巨合

水○一統志一名盤水又名全節○水經注聽水在歷城縣東北二十里

河行歷城縣東十五里入大清河○水經注聽水在歷城縣東北二十里

水東流北屈又東北注巨合水○水經注聽水在歷城縣東北二十里

又北入於濟○齊乘即今響河○水經注聽水在歷城縣東北二十里

南西北流逕城東又西北入於濟○水經注聽水在歷城縣東北二十里

灣出章邱縣南明水驛與明水合流三里餘入繡江○一統志

又有東麻灣在百巨合水在章邱縣西南四十里源出縣之雞

脈泉左百餘步○水經注聽水在歷城縣東北二十里

注巨合水出雞山之西北北逕巨合城東又北合關盧水又

西北逕臺縣故城南白野泉水注之又北聽水注之亂流北入

於濟○齊乘水出雞山下俗名雙女泉西源出龍山鎮南五十

里日榆科泉逕巨里西東源亦名武原水出鎮南十餘里日江

方輿考證卷十七 山東一

美

水泉逕巨里東俗訛作東西巨治河般水在淄川縣東南十五

俱北流五里餘乃相合北入小清河○水經注出縣東

南龍山谷亦謂之為左阜水西北逕其城南又南屈曲入瀧水

○寰宇記今般水發源去縣二十里逕縣治南一百二十步又

西北入瀧水○齊乘般水出淄川縣東南龍山龍灣洞俗名魚

頭河西流至般陽城東分為二一支逕城南一支環城西

俱流入淄水在淄川縣東南七明水在淄川縣西即古萌水也

瀧水○水經注青州府明水在淄川縣西即古萌水也

灌溉產米最佳○水經注萌水出西南甲山東北逕萌山西東

北入於瀧○縣志有瀧水出沖山之陽北流入萌水一名汜陽

河即古德會水在淄川縣東北○漢書地理志昌國德會水西

瀧水也○德會水在淄川縣東北○漢書地理志昌國德會水西

山西北流逕昌國故城南又西北五里泉水注之水出縣南黃

阜北流逕城西入德會水又西北世謂之滄浪溝又北入時

○舊志亦名鄭黃溝○府時水在新城縣東三十里自青州府

志今名豐水亦曰朱龍河○府時水在新城縣東三十里自青州府

小清河其支流逕新城縣南門外又西逕長山縣北入孝婦河

○漢書地理志臨淄縣如城西至梁鄒入濟○水經注淄水

又北時水注之即如水也出齊城西南二十五里平地出泉水

色黑又目之為黑水西至石洋堰分為二水謂之石陽口枝津

西北至梁鄒入沛又北逕西安城西又北京水系水注之又云

時水自西安城西南分為二水枝津別出西流逕東高苑城西

南又北注故瀆又西逕西高苑縣故城南西北至梁鄒城入於

濟考水經注之二高苑今之新城地梁鄒城今鄒平縣地大約

時水自入小清河而今新城縣以下則皆時中川水在長清縣
水之支流也今長山縣西去鄒平最近可證亦名沙溝水。水經注中川水東南出山莊縣之分水溪一源
兩分泉流半解亦謂之分流交半水南出泰山入汶半水出山
莊縣西北流東逕太原郡南又西北與漢賓溪水合謂之玉水
格馬口又北經盧縣故城東而北入濟俗謂之沙溝水。水經注玉水導源泰山
在長清縣東北三十里一名玉符河。水經注玉水導源泰山
朗公谷西北流逕玉符山又西北逕獵山東又西北逕祝阿縣
故城東野井亭西俗謂是水為祝阿澗水北流注於濟。寰宇
記玉水東南自歷城流入。一統志謂之豐齊河自泰山北諸
溪水合而成流經中宮渴馬崖又西北逕豐齊鎮大清橋北入
大清河。按輿圖此水在齊河縣東南僅里許一統志屬之長
清蓋兩邑以大清河為界西北岸屬齊河小清河源出歷城西
東南岸屬長清此水又在長清河之南也。水經注東經章邱鄒
平長山新城入青州府高苑縣至博興合時水入海。水經注
樂水出歷城故城西南泉源水湧若輪俗謂之娥英水以泉源
有舜妃娥英廟故也其北為大明湖湖水引瀆東入西郭東至
歷城西而側城北注分為二水右水北出左水西逕歷城北謂
之歷水與樂水會樂水又北流注於濟謂之樂口濟水自臺縣
東北合芹溝水又東北逕管縣故城南右納百脈水又合楊渚
溝水又東逕梁鄒北有龍水注之其城之東北又有時水西北
入焉又東北至臨濟。寰宇記樂水在歷城西南二百步。齊
乘今府城西平地泉源感湧旁合馬跑金線諸泉周可數畝北
出又合密脂五龍泉並城北流屈而東注城北水門大明湖水

方輿考證卷十七 山東一

三

出注之又東北至華不注山合華泉是小清河之在歷城者即
古樂水也。元和志長山有濟水在西北去縣三十五里今章
邱小清河故道在縣北三十里在鄒平北十三里長山西北三
十里是此三縣之河皆濟水故道也。禹貢錐指云宋南渡後
劉豫導樂水東入濟水故道為小清河。歷城縣志云明永樂
以後漸堙塞成化九年參政唐源潔嘗瘡治之嘉靖十二年又
塞乃復瘡博興以西達於歷城幾三百里久復淤蓋小清河惟
恃樂水為源堰東有阻則樂水仍自華不注東北入大清河屢
濬屢塞職。大清河自泰安府肥城縣流入逕長清縣西東北流
是故也。濟陽縣南又東北逕齊東縣北一里與武定府惠民縣分界又
東流入武定府青城縣界自長清至歷城皆濟水故道其在濟
陽齊東者潔水故道也今謂之鹽河。水經注濟水逕平陰城
西右迤為涓湖又東北至垣苗城西河水自泗瀆口東北流注
之又東北與涓溝合又逕盧縣故城北又逕什城北又過盧縣
北東北與中川水合又東北右會玉水又東北樂水注之謂之
樂口又東北逕華不注山又東北逕臺縣巨合水注之又東北
逕臺縣北又東北合芹溝水又東北過管縣南。通典東平以
東有水流通濟南淄川北海界中入海者謂之清河蓋汶水荷
澤之合流非古時之濟水也。齊乘自鉅野北出至四瀆津與
河合流者乃齊之清河水經所謂得運河自東昌府恩縣流逕
其通稱者是也此河今奪於黃河。運河直隸故城南東北流
復入德州西南新窰口北流逕德州城西又東北流逕德州北
之桑園鎮入直隸吳橋縣界即古清河也本隋之永濟渠一名

衛河又名御河桑欽水經清河自武城棗強者逕廣川故城南
又東北逕歷城故城南又東北與張甲屯澤故瀆合又至修縣
○元和志永濟渠在縣西去縣十里○明史永樂十年宋禮言
德州西北衛河東北岸至舊黃河十三里可開小引河合洩水
入舊黃河至海豐大沽河入海從之○山東通志明宏治中都
御史白昂於德州之南四女寺鑿支河至九龍口入古黃河歸
海 本朝康熙四十四年即於四女寺建減水閘雍正四年改
為滾水壩九年復挑濬支河而未禮所開引河湮沒已久衛河
屢患漲溢十三年巡撫岳濬請於德州之北哨馬營開濬支河
東行至漕村隄口入鉤盤河東北流會老黃河入海即於哨馬
營建滾水石壩水漲則拽之歸海又以德州城西牆垣正當衛
河之衝乃於衛河西岸自馬家迴溜起至舊月河頭別開引河
南北長二百六十餘丈其舊河建有攔水壩使水勢全歸引河
逕趨哨馬營於是州城藉以鞏固又乾隆二十八年於運河西
方菴對岸濬引河四百九十餘丈南自魏家莊後接運河起北
至老隄頭入運河二十九年復加疏濬其四女寺支河及滾水
壩亦並加濬築焉乾隆十三年十六年二十一年二十
七年 高宗純皇帝巡幸經此俱有 御製運河詩 清河在
邱縣東一里亦曰繡江其源即百脈水也○水經注百脈水出
土鼓縣故城西水源方百步百泉俱出故謂之百脈水西北流
逕陽邱縣故城中又西北出城又北逕黃中固又北注濟○元
和志百脈水出亭山縣東北平地○寰宇記百脈水在縣北百
步澗三丈經縣界屈曲六十里入濟○齊乘百脈水即繡江也
合麻灣水東北流逕章邱城東又北入小清河○一統志百脈

方輿考證卷十七 山東一

美

水在縣南三十里明水鎮西麻灣在其右三里其側即淨明泉
東麻灣在百脈左百餘步皆瓜漏河所伏流而復出者四泉合
而北流合清河又北至縣城東為繡江又西北
至水寨合白雲湖又北入小清河有清口鎮 瓜漏河在章邱
七里源出縣西南百里山峪中東北至明社莊之石崖泊然而
止土人名其處為滲水灣自灣以北二十里至於月宮枯河崖
側有泉一泓又東北四十里至於明水則湧百脈麻灣諸泉夏
秋積雨羣峪之水來滙溢於城南五里會於清河既霽則枯涸
如故故賴河在章邱縣東北七里即古楊渚溝也○水經注楊
曰漏河賴河渚溝水逕於陵城西南西北逕土鼓城東又西北
逕章邱城東又北逕甯城西而北流注濟○寰宇記楊渚水一
名獺河在縣東十里濶一丈出逢陵故城西南二十里○齊乘
在縣東七里出長白山之王村峪○一統志西北流至柳塘口
經小清河故道入鄒平長山新城界會孝婦河東流入海後人
訛獺為潔謂即 白條溝河在鄒平縣東七里即古子子溝也○
古之潔水誤 魏書地形志東魏郡安陽有魚溝水
經魚子溝水南出長白山東柳泉口流逕於陵故城西北流注
於龍水○明史河渠志永樂九年浚鄒平縣白條溝三十餘里
○濟南府志嘉靖九年知縣葉林重濬 本朝康熙二十八年
知縣程素期復行疏治引入小清河○按縣志白條溝河源有
二一出鑑埠一出揚隄合流入於濧河一名魚子溝與水經注
南出長白山西北流注濧水之文不合○齊乘以沙河為魚子
溝與志亦不 沙河在鄒平縣西一里○齊乘蒙水俗名沙河出
合並存俟考

婦孝婦河 在淄川縣西一里古瀧水也自青州府益都縣流入經縣西北流經長山縣南門外又東北流經新城

縣西北二十里入小清河曰盆河口。水經注瀧水南出長城中北流至般陽縣故城西南與般水會又北逕其縣西北流至

萌水口又西北至梁鄒東南與魚子**乾溝河** 在長山縣西南三

溝水合北注濟。寰宇記古名孝水。又東北流入孝婦河或謂即古魚子溝也。又**澇溜河** 在新城縣東

有瀧龍河亦出長白山北流入小清河。一統志源出鐵山北流

至索鎮店西南入烏河**徒駭河** 即澇水下游也自齊河縣北入

里又東逕濟陽縣界又東北入武定府惠民縣界俗名小土河

○一統志或云即屯氏別河 本朝乾隆十三年二十二年二

十七年 高宗純皇帝巡幸經此俱有 御製徒駭河詩。按

澇之為土當由齊音相近而訛至九河故道 聖祖仁皇帝御

論謂當不出直隸之滄景二三百里間折衷至當而濟南武定

諸水道多有蒙其名者。舊志濫引先儒注疏及諸家之辨證

今皆**古瓠子河** 在齊河縣西十里。水經瓠子河自荏平縣瓠

削去。出為濟水齊河二渠合而東注於祝阿也。縣志宋時**趙牛河**

名熙河蘇轍熙河賦稱在漢元光河決瓠子是也。今湮。在齊河縣西二十里舊曰利民河西南自長清連楊隄西北至

禹城界長百餘里地勢窪下夏秋水溢淪沒禾稼明洪武十七

年知縣趙清縣丞牛文濬河闊十五里**温聰河** 在齊河縣西北二

步深二丈民至今賴之故名趙牛河。山東一

方輿考證卷十七

山東一

五

鄉民温聰議開以**倪倫河** 在齊河縣北二十五里宴城南初楊

洩劉洪坡水故名。請開河以**減水河** 在齊東縣東二里一名陳燈溝明成化元年

馬家窪入大清河。一統志馬家窪近小清河與白雲湖相接

一遇水潦河水即通小清河而瀾漫於馬家窪民田多被其害

因築渠以洩之大清河而汗池變為膏腴又有禦寇河在縣西

南三里明正德六年開濬南通減水河北通大清河今其跡猶

存俗名**壩水河** 在齊東縣西明成化十一年知縣李寬開濬以

乾河。迴二十五里至延安**古黃河** 德州及臨邑禹城陵縣皆漢平原

鎮西二里入大清河。郡地為黃河所經故道自東昌府

恩縣流入經平原縣西北流經德州東又北流入直隸吳橋縣

界。水經注大河故瀆自靈縣又東逕鄒縣故城東又東逕平

原縣故城西而北絕屯氏三瀆北逕繹幕縣故城東北西流逕

平原高縣故城西又東北逕平原縣枝津百出至安陵縣遂絕

此西漢時故道。元和志云王莽枯河在將陵縣西去縣十里

○一統志云黃河崖在州東南二十餘里其遺迹也其一自高

唐州流逕平原縣東又東北逕陵縣南又東北逕臨邑縣北與

德平分界又東北入武定府樂陵縣界。水經注大河自高唐

縣故城西又北左逕安德城東而北為鹿角津東北至般縣樂

陵此蓋東漢以後故道。元和志臨邑縣黃河在縣北七十里

平原縣黃河南去縣五十里長清縣黃河東去縣五里皆其遺

迹也。又長清縣亦有黃河。元和志在縣北去縣五十里蓋唐

以前河流所經而寰宇記謂禹城縣之黃河自長清流入又東北入臨邑界與桑鬪所述順逆判殊蓋宋時所經非漢故道也
本朝乾隆十六年二十七年高宗純皇帝南巡經此有御製老黃河詩○按古黃河上承恩縣四女寺及德州哨馬營兩支河之水東北流至吳橋縣之玉泉莊會鉤盤河下流經直隸甯津南皮及武定府之樂陵海豐諸縣至大沽河口入海○山東通志自德州至樂陵縣本甯津河故今通謂之老黃河本朝雍正九年以後屢加濬治以洩衛河盛漲運道安流永資利
灤河自東昌府高唐州流入經禹城縣西二里又東北逕賴矣齊河縣北境入臨邑縣界俗名大土河○水經注灤水自東武陽逕博平縣又東出於高唐縣俗亦謂之原河又東北逕瑗縣故城西又逕高唐縣故城東又東北逕濼陰縣故城北又東北逕著縣故城南又東北逕崔氏城北又東北逕鄒平縣故城北又東北逕東鄒城北○元和志臨淄縣灤水北去縣七里○按灤河自宋以前嘗為大河經流○寰宇記云有古黃河在臨邑縣南二十里上自禹城下入臨濟即此又有聖水在章邱縣東十里源出
商河在禹城縣北流逕平原縣東又東北逕小荆山西入灤河○水經注商河首受河亦灤水及澤水所潭水淵而不流世謂之清水雖沙漲填塞厥迹尚存歷澤而北謂之落里坑逕張公城西又北重源潛發曰小漳河商漳聲相近故讀移耳又北逕平原縣東又逕安德縣故城南又東北逕平昌縣故城南又東逕般縣故城南又東至東陵○寰宇記商河在安縣西南八十里○舊志今自平原以北斷續過半矣

方輿考證卷十七 山東

河在長清縣南二十里源出米
鉤盤河在陵縣東四十五里曰

縣東南臨邑西北分為二水其一經德平商河北行至武定府之陽信縣南二十里而斷為截河鋪其一自德平西北流入武定之樂陵經海豐之南霑化之北至入山鎮入海○寰宇記云在樂陵東南從德州平昌來○輿地記云在樂陵

翁河在平原縣西南蓋黃河枝津也○三國魏志孫禮傳清河平原爭界禮以烈祖初封平原時圖決之宜屬平原實以

王翁河
古屯氏河在平原縣北○水經屯氏別河北逕東逕繹為限幕縣故城南又東北逕重平縣故城南又東

入陽信縣今無水屯氏別河南瀆自平原東絕大河故瀆又逕平原縣故城北東北枝津又出東北至安德縣界東會商河南瀆又東北於平原界又有枝渠右出至安德縣

遂絕○縣志自隋疏為永濟渠古迹遂不可考
鴛馬河即馬頰昌府恩縣流入平原縣之西南境東北流逕德州東陵縣西又

東北逕德平縣西北入武定府樂陵縣界○漢書溝洫志鴻嘉四年河溢河隄都尉許商與丞相史孫禁共行視圖方略禁以

為可決平原金隄開通大河令入故篤馬河至海五百餘里商以爲禁所欲開者在九河南失水之迹處勢平夷旱則於絕水

則爲敗不可許○後漢書郡國志平原地道記曰有篤馬河○水經注屯氏別河南瀆首受大河故瀆東出亦通謂之篤馬河

東北逕安德縣故城西又東北逕臨齊城南又屈逕其城東故瀆廣四十步又東北逕重邱縣故城西又東北逕西平昌縣故

城北又逕般縣故城北○寰宇記篤馬河即古馬頰河○山東

城北又逕般縣故城北○寰宇記篤馬河即古馬頰河○山東

通志篤馬河亦名**四望湖**在歷城縣西即大明湖之別渚。按馬頰非禹迹也。

入縣城與孝感水合今考城西無**濯纓湖**在歷城縣城內西北入城之水疑古今水道不同也。

城內灰泉最大自北珍珠以下皆匯於此周圍廣數畝當**大明湖**在歷城縣西北隅周十餘里。水經注灤水北為大明湖西

湖即大明寺寺東北兩面側湖池上有客亭左右鞦韆負日俯仰目對魚鳥極望水木明瑟可謂濠梁之性物我無違矣湖水

引瀆東入西郭東至歷城西而側城北注又上承東歷城祠下泉源競發其水北流逕歷城東又北引水為流杯池州僚賓燕

公私多萃其上。明統志大明湖源出舜泉其大占府城三之一由北水門出與濟水合瀾漫無際遙望華不注峯若在水中

蓋歷下城絕勝處也。一統志今灤水達城北流而不入城舜泉亦止成一井不流惟北珍珠濯纓諸泉北流入湖耳湖境亦

多為居民填塞治圍環沼僅成曲港可通小舟而蔬果魚蟹之屬其為民利多矣。本朝乾隆十三年高**蓮子湖**酉陽雜俎

宗純皇帝東巡經此有御製大明湖詩**蓮子湖**歷城北二里有蓮子湖周環二十里湖中多蓮花紅綠開明乍疑

濯錦有魚船掩映罟罾疏布遠望之者若珠網浮杯也**鵲山湖**在歷城縣北二十里湖北岸有鵲山故名。寰宇記灤水與歷

水合流同入鵲山湖。舊志自劉豫導灤東行而水不及鵲山湖矣舊有**白雲湖**清河之下流也自章邱縣西北七里流逕歷

亭亦久廢

方輿考證卷十七 山東一

泊有魚藕菱芡之利明洪**涓湖**在長清縣西南五里東西三十武初設河泊所十七年革

水右迤為涓湖方四十里。爾雅水草交為涓釋**錦繡川**在歷名曰涓眉也臨水如涓。元和志謂之涓溝泊

南中宮鎮東一名北川延袤六十餘里流逕中宮鎮南亦名中宮河下流入長清縣即水經注之玉水也。府志今名大礪溝

夾礪芍藥叢生春時絕勝又**八會津**在鄒平縣南。元和志濟有錦陽錦雲二川略相聯屬

相傳水陸所奏其路有八故名。按今**四瀆津**在臨邑故縣東鄒平縣即唐之濟陽縣地此水今湮

東北流逕四瀆津西側岸臨河有四瀆祠東對四瀆口川瀆異同考臨邑東有四瀆津大河故道所經也。唐五行志永徽

六年齊州河**耿家陂**在長清縣西北三十里周**百花洲**在歷城溢即此地

湖南方廣數十畝居民廬舍圍旋環繞本朝乾隆十三年**黑高宗純皇帝東巡經此**御製有用宋會鞏百花洲韻詩

水潭在德平縣西北三十五里望之水**黑龍潭**在平原縣西二側興龍寺下其深叵測

遇旱禱雨取水於此**白鹿淵**在德平縣東。水經注般河又干餘步徑三丈餘其水

冬清夏濁渟而不流**釣突泉**在歷城縣西。曾鞏齊州二堂谷之水西北匯於黑水之灣又西北匯於柏崖之灣而至於湯

馬之崖則泊然而止自崖以北至於歷城之西蓋五十里而有

泉湧出高或至數尺其旁之人名之曰趵突之泉齊人皆謂嘗有棄糠於黑水之灣者而見之於此蓋泉自揭馬崖潛流地中而至此復出也其注而北則謂之灤水達於清河以入於海。明統志一名瀑流。府志上有觀瀾亭。本朝康熙二十三年聖祖仁皇帝駕幸濟南。賜額曰激湍曰源清流潔并御製趵突泉詩乾隆十三年高宗純皇帝東巡經此有御製恭依聖祖趵突泉韻**珍珠泉**有南北二泉南泉在府城內鐵及再題趵突泉諸詩**珍珠泉**佛巷東今淤北泉在白雲樓前右有劉氏泉左有溪亭泉今在巡撫公廨。本朝康熙二十三年聖祖仁皇帝御書扁曰清漪二十八日作霖并御製觀珍珠泉詩乾隆十三年**金線泉**在府城西高宗純皇帝東巡亦有御製珍珠泉詩。元好問濟南行記金線泉有紋若金線夷猶池面泉今為靈泉庵。齊乘歷下名泉有曰金線曰趵突曰皇華曰柳絮曰卧牛曰東高曰漱玉曰無憂曰石灣曰酒泉曰堪露曰滿井曰北煮糠曰散水曰溪亭曰濯纓曰灰泉曰知魚曰硃砂曰劉氏曰雲棲曰登州曰望水曰洗鉢曰淺井曰馬跑曰舜井曰珍珠曰香泉曰監泉曰杜康曰金虎曰黑虎曰東密脂曰西密脂曰孝感曰玉環曰羅姑曰混沙曰灰池曰南珍珠曰芙蓉曰滴水曰灰灣曰懸青曰雙桃曰温泉曰汝泉曰龍門曰染池曰懸泉曰都泉曰柳泉曰車前曰煮糠曰爐泉曰白虎曰甘露曰林汲曰白泉曰金沙曰白龍曰花泉曰獨狐曰醴泉曰漿水曰南煮糠曰苦芭曰鬃斗曰鹿泉曰龍居合章邱**天鏡泉**在歷城縣西門外。舊志百脈總七十二見名泉碑

方輿考證卷十七 山東一

名天鏡在龍澤 **淨明泉**在章邱縣南。齊乘明水一名淨明泉南方廣一畝。出百脈西北石橋邊其泉至潔纖塵不留土人以洗目退昏翳合西麻灣入繡江。徐壁濟水論濟水分支伏流地中至縣西南出為瓜漏河至滲水灣乃伏入地中至是始出而為百脈淨明東西麻灣四泉合而北流為濟河又北流至城東為繡江西北至水寨會為白雲湖又東北入小清河始與灤水會又東入大 **醴泉**在鄒平縣西南二十二里泉深清乃復濟水之本原云 **醴泉**丈許旁有醴泉寺相傳僧寶誌卓錫於此又曰范公泉蓋宋范 **卓錫泉**在長清縣東南靈巖山仲淹讀書處也其西有聖水井 **卓錫泉**又有黃龍泉雙鶴泉甘露泉俱在 **七仙泉**在長清縣東南六十里又有白石 **清沙泊**在靈巖寺旁 **七仙泉**泉衆水相合即沙溝水上源也 **清沙泊**在城縣西北二十五里。縣志岔河之委溢而成 **龐家泊**在湖又名落鴈湖中有界石北為高苑南為新城 **龐家泊**在十五里接 **麻大泊**在新城縣東北三十里接博興高苑縣界俗高苑縣界 **麻大泊**名官湖又名錦秋湖周五六十里蒲葦叢生芙蓉如錦其中有魚龍灣水流旋轉不定相傳有龍 **會城泊**在窟其水溢而北流至博興南入烏河又見青州府 **會城泊**在北迤為淵者謂之平州其側有平安縣故城俗謂之會城縣志 **會城泊**亦 **瀑水灣**在淄川縣南二十五里。縣志源出巒山東名紅蓮泊 **瀑水灣**南曲折西流水行石上忽陷下一丈餘西去為壑水懸流而下若簾冬結冰柱入崖下石龕中流至五 **白龍**里許入孝水又有龍灣在縣南門外水聲震吼聞數里

灣在陵縣東四十里俗呼為龍家窪**黑水灣**在臨邑縣南三十里下口北

許山樂在鄒平縣西十五里九龍山之西周迴二十餘里接

章邱縣境自小清河淤塞獺水流逕其中汪洋無際

蓋野溝在城縣東北○水經注源出延鄉城東北平地西北流逕延鄉

城北又西北流謂之蓋野溝又西北流逕高苑縣北注時水

華溝在新城縣東北四十里一名為魯連坡

甘棗溝在臨邑縣北古黃河之南○水經注河水自平原右溢世謂之

甘棗溝水側多棗故俗取名焉又東北歷長隄經濼陰縣

北又東經著城北東為陂淀淵潭相接世謂之穢野溝

上方井在章邱縣東二十里泉從石罅流出

關鎮○**樂關**在歷城縣西北十二里

鄒關在鄒平縣西十三里

鹿角關在臨邑縣西北七十里陵縣東南七十五里蓋跨大河以

鹿角津為名○齊乘有平原嶺在

四口關在長清縣西接東昌府在平縣界○元和

志在長清縣西南五十里後魏置武

張公故關在德州南○元和志在陵縣東

德四年廢蓋即古四瀆津之口也

南七龍山鎮巡司在歷城縣東七十里

盤水鎮在歷城縣東南十里

本朝乾隆三十一年設

柳埠鎮在歷城縣南○金史地理志歷城鎮六盤水中宮老僧口上洛口王舍

人店遙牆○縣志上洛口有批驗所鹽艘要津

方輿考證卷十七 山東一

宮鎮東南二十里

堰頭鎮在歷城縣東北二十里亦曰下灤堰亦

五里為縣巨鎮

普濟鎮在章邱縣東南五十里○金史地理志章邱鎮四普濟延安臨濟明水

孫家鎮在鄒平縣北三十里○金史地理志鄒平鎮三淄鄉介東孫家嶺

索鎮在新城縣東四十里○

創置以田索

張店鎮在新城縣東南四十里接

二鎮屬焉

劉宏鎮在齊河

三十里○金史地理志齊河鎮三晏城劉宏新

臨河鎮在齊東

孫耿晏城驛在縣北後移於縣治東南隔今裁

回河鎮在濟陽縣西南

入小清河廢淄川之臨河鎮以避水患

濟陽鎮四回河曲隄舊孫耿仁豐○縣志回河鎮在縣西南二

十里曲隄鎮在縣東北三十里有宋黃庭堅碑孫耿鎮在縣西

南四十里仁豐鎮在縣東北六十里

新市鎮在濟陽縣西六十

有城明洪武元年設巡司八年裁

新安鎮在禹城縣北○金

市鎮舊屬臨邑元至元二年屬濟陽

張夏鎮在長清縣東南

本朝乾隆二十四年設縣丞駐此

莒鎮在長清縣

三新安仁水

張夏鎮在長清縣東南

本朝乾隆二十四年設縣丞駐此

莒鎮在長清縣

素黎濟寨

張夏鎮在長清縣東南

本朝乾隆二十四年設縣丞駐此

莒鎮在長清縣

史地理志長清鎮六赤莊

滋博鎮在陵縣東四十里○金史地

莒李家庄歸德豐齊陰河

滋博鎮在陵縣東四十里○金史地

理志安德鎮四滋博嚮化盤

桑園鎮在德州北四

十里即景州

邊臨鎮在德州東五十里

本朝乾隆二十七年移州判駐此

桑園鎮在德州北四

十里即景州

安

邊臨鎮在德州東五十里

本朝乾隆二十七年移州判駐此

桑園鎮在德州北四

十里即景州

安

邊臨鎮在德州東五十里

本朝乾隆二十七年移州判駐此

桑園鎮在德州北四

十里即景州

安

邊臨鎮在德州東五十里

本朝乾隆二十七年移州判駐此

桑園鎮在德州北四

十里即景州

安

邊臨鎮在德州東五十里

本朝乾隆二十七年移州判駐此

桑園鎮在德州北四

十里即景州

安

邊臨鎮在德州東五十里

本朝乾隆二十七年移州判駐此

之廢安陵城也明正德中馬申錫駐桑兒園招懷仁鎮在德平

流賊劉六等即此良店水驛置於此有水次倉

二十里。金史地理志水務鎮在平原縣東四十里。金德平鎮二懷仁孔家鎮

衛在州治東今存又有德州左石都寨在長清縣東南七十

宮集在歷城縣南三十里本朝周村店在長山縣南苑

城店在長山縣北二十里。齊乘長山縣北苑城店因故高苑

裁青陽店在鄒平縣西三十里明初神頭店在陵縣東北即古

書獨行傳劇賊畢豪等入平原縣令劉雄將吏士乘船追之至

厭次河。齊乘漢高帝封爰類為厭次侯今為神頭店。一統

志厭次在陵縣東北二十里蓋即神頭鎮

古蹟○歷下城在府西或以為即春秋之鞏邑。春秋成公二年

下徐廣曰靡當作歷又齊王建四十年秦滅魏兵次於歷下漢

三年酈食其說齊王廣罷歷下戰守備韓信度平原襲破其歷

下軍因入臨淄後漢建武二年張步使其將費邑軍歷下耿弇

大破之。三齊記歷下城南對歷山城在山下故名俗亦謂之

子城宋泰始四年冀州刺史崔道固守歷城魏東平陵城七十

將慕容白曜圍城經年拔其東郭道固乃降

方輿考證卷十七 山東一

五里。春秋時譚國地。春秋莊公十年齊師滅譚譚子奔莒

漢置東平陵縣以右扶風有平陵故此加東字濟南郡治焉。

後漢書靈帝紀建甯三年濟南賊起攻東平陵。晉書後趙石

虎建武八年濟南平陵城北石虎一夜中自移於城東南。後

魏亦置平陵縣高齊廢唐武德二年復置并置譚州治焉。新

唐書貞觀十七年三月齊州都督齊王祐反伏誅更平陵縣為

全節祐反平陵人不從因更名全節元和十年并入歷城

縣。故譚城在府東南七十里杜預曰譚城在平陵西南平臺

城府東北三十里漢置平臺縣高帝六年封東郡尉戴珍為臺

後魏孝昌三年濟南郡移治臺縣齊天保中始還歷城臺縣旋

廢或云故城近廢平陵縣北。又鮑城在府東三十里齊大夫

鮑叔巨里城府東七十里亦曰巨合。漢武帝封城陽頃王子

守歷下分遣其弟敢守巨里自引精兵上岡阪乘高合戰臨

陣斬邑城中危懼遂下巨里。水經注巨里三面有城西有深

坑坑西即耿弇營賴亭在府東近章邱界。續漢書郡國志注

○按今為龍山鎮賴亭管縣有賴亭左傳襄六年公如賴哀六

年齊侯陽生使胡姬以安孺子如賴十年陽邱城章邱縣東南

此文帝封齊悼惠王子安為侯邑。又樂盤城在縣南二十七

里樂盤山下相傳齊孝王為平陵侯時與陽邱侯餞送處。又

縣北七十里有新城或以為宋大明管城縣西北三十里漢管

中僑置屬高陽郡後魏因之高齊廢管城縣屬濟南國景帝封

齊悼惠王子罷軍為侯邑晉省○述征記歷城至管城二十里自城以東水彌漫無際南則迫山實為險固唐武德初亦嘗置縣八年省入平陵通志故管城在章邱臨濟鎮北述征記似誤○又營平城亦在縣西漢宣帝封趙充國為營平侯邑於此

朝陽城 章邱縣西北六十里漢縣應劭曰在朝水之陽高帝封朝陽以南陽郡有朝陽故此加東也晉改屬樂安國宋仍曰朝陽還屬濟南郡後魏因之北齊省隋開皇六年改置朝陽於故管縣十六年改曰臨濟仍分置朝陽縣於此大業初仍廢入臨濟縣唐初置鄒州武德八年州廢縣屬譚州貞觀初改屬齊州宋因之咸平中廢為臨濟鎮○寰宇記朝陽故城在

臨濟縣東四十里○齊乘在章邱縣東二十五里 **獭縣故城** 在章邱縣北漢武帝征和元年封趙敬肅王子起為侯邑屬濟南郡後漢省蘇林曰今東朝陽有獭亭 **博平廢縣** 在章邱縣東南○宋書州郡志冀州魏郡孝武僑立領博平縣

○魏書地形志東魏郡仍領博平縣○隋書地理志宋東魏郡後齊省入章邱○按今章邱城東南 **黃巾固** 在章邱縣城北後三十五里有博平鎮蓋即宋所置縣 **黃巾固** 漢末黃巾保聚於此齊人謂壘堡曰固晉太元十三年後燕青州刺史慕容紹自

歷城退屯黃巾固燕主垂因置徐州於此使紹鎮焉亦謂之黃巾城○水經注百脈水北逕黃巾固○元和志章邱 **崔氏城** 在理城即黃巾城也高齊移高唐理此隋改為章邱 **崔氏城** 在邱縣西北○左傳襄公二十七年齊崔成請老於崔杜預注濟南東朝陽縣西北有崔氏城○水經注灤水東北逕崔氏城北

方輿考證卷十七 山東一

畫

○唐書宰相世系表齊丁公伋嫡子叔乞讓國食 **樂安城** 在章采於崔○通志崔氏城在章邱縣西北二十五里 **樂安城** 在章北○寰宇記臨濟縣東北八十里蓋漢元帝匡衡所封非干乘故縣也章邱臨濟鎮東北八十里蓋漢元帝匡衡所封非干乘故縣也

甯戚城 在章邱縣東北○水經注楊渚溝水北逕甯戚城在今鄒平縣北漢置鄒平縣屬濟南郡晉永嘉後省○魏書城地形志臨濟有鄒平城○元和志鄒平縣東南至淄州一百二十里本漢舊縣隋開皇三年自梁鄒城移平原縣入鄒平城

十八年改為鄒平○寰宇記鄒平故城俗名趙臺城在縣西南十五里唐武德三年築八年移於今理○一統志故城在今縣北孫家鎮去齊東縣東南四十里唐時所築也宋景德元年移治濟陽城而此城廢○按方輿紀要鄒平縣下出東鄒城

○一統志東鄒故城今青城縣境顧氏誤入鄒平今改正 **梁鄒舊城** 今鄒平縣治漢高帝五年封武虎為梁鄒侯即此後漢亦曰梁鄒○晉書樂安王鑒傳咸甯初以齊國之梁鄒益封

地理志不載蓋尋省宋復置文帝元嘉二十八年青州民司馬順則自稱晉裔聚眾號齊王襲據梁鄒城青冀二州刺史蕭斌擊平之孝武帝孝建二年僑置平原郡兼置幽州治焉明帝泰始三年幽州刺史劉林賓守梁鄒不附魏是也後魏曰東平原

郡隋廢入長山唐改置濟陽縣○元和志縣東南至淄州九十四里景龍元年於漢梁鄒城置○舊唐書地理志元和十五年併入高苑○宋史地理志景德元年 **濟南故城** 在鄒平縣北隋開年移鄒平治濟陽廢縣即今治也

置濟南縣大業初仍省入長山○元和志隋於後漢梁鄒
城地置濟南縣○齊乘隋濟南城在鄒平東北十五里

鎮在鄒平縣西臨小清河宋明道二
年廢淄川臨河鎮以避水患即此

般陽城在淄川縣治西漢
般水之陽因名般亦作盤晉省縣而城存宋書沈文秀傳文秀

舉兵應晉安王子勛清河廣川二郡太守王元邈據盤陽城又

建康三年冀州刺史崔道固遣其屬房靈寶戍盤陽○魏書地

形志劉宋置東清河郡治盤陽城○元和志淄川縣本漢般陽

縣

萊蕪故城在淄川縣東南漢置縣屬泰山郡後漢及晉因之

經萊蕪界屈而東北流逕其縣故城南舊說齊靈公伐萊萊民

播流此界邑落荒蕪故曰萊蕪○按魏書地形志東清河郡具

邱縣有萊蕪城即漢縣也元和志萊蕪故城在今淄州東南六

十里又泰山郡有萊蕪縣蓋晉以後西徙於今萊蕪縣界也

土鼓故城在淄川縣西漢置縣屬濟南郡後漢因之晉省宋復

平縣有土鼓城蓋嘗徙治於此○又

逢陵故城在淄川縣西北四十

里齊大夫逢丑父之邑○齊乘商諸侯逢伯陵封於此逢丑父

其後也○按地形志東魏郡博平

縣亦有逢陵城蓋嘗徙治於此

昌國故城在淄川縣東北二

里昌國城○史記趙世家惠文王二十五年燕周將攻昌國取之

樂毅傳燕昭王封樂毅於昌國號為昌國君漢置昌國縣屬齊

郡後漢及晉宋後魏皆因之魏孝昌三年清河民房頊作亂據

昌國城北齊省○括地志故城在淄川縣東北四十里○按後

魏書地形志清河郡武城縣

亦有昌國城蓋嘗徙治於此

武強故城今長山縣○元和志長

武帝於此立武強縣隋開皇

十六年改武強為長山縣

於陵故城長山縣西南二十里本

南郡為都尉治後漢建武中改封侯霸子昱為於陵侯宋永初

臨河

方輿考證卷十七

山東一

美

舊志會城在縣東北四十里與高苑**晏城**在齊河縣西北。寰宇記禹城縣有晏嬰城城內有水膠入藥方。金史地理志齊河縣有晏城鎮。國朝乾隆二十二年高宗於此有晏城詩三十年建行宮。

耿濟鎮在齊河縣東一里後漢建武五年耿弇拔祝阿渡濟水向歷城因以名鎮宋改鎮為齊河縣。齊乘齊河縣本濟南之耿濟鎮**野井亭**在齊河東濟河北岸春秋昭公二十五年時劉豫家鎮**野井亭**年齊侯唁公於野井即此漢書祝阿縣有野井亭其**魏王城**齊東縣西南三十里。方輿紀要俗傳李地舊屬祝阿**魏王城**密所築非也水經注魏泰昌七年安平王鎮平原築此因名太和二十三年罷鎮為平原郡治於此

齊東鎮今齊東縣治。金史地理志鄒平有齊東鎮。齊乘齊東縣舊曰趙巖口金為齊東鎮劉豫置夾河巡檢司元因置縣

新市城濟陽縣西六十里故郛國地或曰南北朝嘗僑置中山國之新市縣於此尋廢。又縣西二十五里有郛城一統志相傳為春秋時之郛國**祝阿故城**禹城縣西南十七里武王封黃帝之諸侯盟於祝柯漢為祝阿縣。後漢書耿弇傳張步使其黨費邑軍歷下又分兵屯祝阿別於泰山鐘城列營數十以待弇費渡河先擊祝阿自旦攻城未中而拔之故開圍一角使其眾得奔歸鐘城人聞祝阿已潰大恐遂空壁亡去。晉書載紀太元十一年燕主垂觀兵河上張願進屯祝阿之登口。隋書大業十一年涿郡賊盧明月寇祝阿齊郡通守張須陀大破之唐天

寶元年改曰禹城縣乾元二年史思明侵河南守將李銳於長清縣邊家口決大河東至禹城縣縣田淪沒移治於千古鎮即今治。鐘城在縣東百餘里劉宋景平元年魏人侵兗州毀鐘城以立封疆而還亦此地**阿陽故城**在禹城日陽阿漢置縣屬平原郡後漢省。水經注河水經阿陽縣故城西應劭曰深陰縣東南五十里有阿陽鄉故縣也。寰宇記阿陽城在廢禹城縣西北**源陽故城**在禹城縣南唐武德元年置五十里今縣南去七里**源陽故城**縣屬齊州貞觀元年省入禹城。寰宇記源陽城在縣南一百里隋末喪亂縣人桓孝才立墅於家側率宗親共守不屬諸賊唐武德初大使崔同就築城

方輿考證卷十七 山東一

奏授孝才為縣令城在源陽**高唐故城**在禹城縣西南春秋齊邑陽河側因以為名六年廢**高唐故城**。左氏傳襄公十九年齊夙沙衛奔高唐以叛哀公十年趙鞅帥師伐齊取犁及轅毀高唐之郭杜預注高唐在祝阿縣西北。史記齊威王曰吾臣有盼子者使守高唐趙人不敢東魚於河。寰宇記古高唐邑在禹城縣南五十里應劭十三州記在平原郡南五十里晉廢後改置於漢靈縣界。一統志齊高唐邑在今禹城縣南漢縣在今縣西二地雖殊界實相近至今東昌府之高唐州乃漢靈縣地

取古**瑗縣故城**在禹城縣南即齊轅邑也。左氏傳哀公十年名耳**瑗縣故城**夏趙鞅率師伐齊取犁及轅注祝阿縣西有轅城。漢書地理志平原郡有瑗縣後漢省。寰宇記**瓮口戍**在縣記瑗城在縣南一百里一作瑗杜預曰轅即瑗也

後燕慕容隆破張願處。十六國春秋隆兵至斗城願兵奄至隆擊卻之謂慕容德曰願乘人不備宜得大捷而我士卒以懸

隔河津勢迫之故人思自戰故能卻之遂
進戰於瓮口願敗走。斗城在今縣西南
犁邑亦曰犁邱又曰隰。左氏傳哀公十年趙鞅率師伐齊取
犁及轅二十三年晉荀瑶伐齊戰於犁邱二十七年陳成子召
顏涿聚之子晉曰隰之役而父死焉杜預注犁即隰也。漢置
漯陰縣屬平原郡應劭曰縣在漯水之南因名後漢因之晉省
。水經注漯水又東北逕漯陰故縣城北故犁邑也。歷北漯陰
城南伏環謂之漯陽城地理風俗記曰平原漯陰縣今巨澤亭
是也。寰宇記漢濕陰廢縣在今臨邑西十里宋武帝平南燕
移理於縣西北五十里北濕陰城亦謂漢城為南濕陰城。一
統志郡國志作濕陰地形臨邑故城在臨邑縣北漢置臨邑縣
志作濕陰城蓋傳寫之誤
孝建二年僑置於此後魏及隋唐皆因之。元和志縣南至齊
州六十里。宋史地理志建隆元年河決公乘渡口城壞三年
移治孫耿
鎮即今治
長清故城音幼。左氏傳成公二年齊侯以辟司徒
之妻為有禮與之石窳本盧縣地隋開皇五年置鎮十四年置
縣廢鎮。宋史地理志至道二年徙城於縣之刺榆店即今治
盧縣故城長清縣西南二十五里春秋齊邑。左氏傳隱公三
年齊鄭盟於石門尋盧之盟襄公十八年晉伐齊趙
武韓起以上軍圍盧漢初置盧縣屬泰山郡都尉治文帝封東
牟侯興居為濟北王都盧和帝分泰山置濟北國亦都此後魏
改屬太原郡。後漢初東平人爰曾
字子路起兵盧城頭謂之城頭子路
碯城在長清縣西北宋
書作敲敖今讀曰

方輿考證卷十七

山東一

夷

敲敖盧縣北一里有碯碯津。晉書永和八年姚弋仲死子襄
帥其眾屯碯碯津太元九年謝元北伐遣劉牢之據碯碯十一
年慕容垂遣慕容德等攻東阿濟北太守溫詳遣從弟攀守河
南岸子楷守碯碯以拒之垂遣別將蘭汗等於碯碯四十里濟
河詳等皆南遁義熙十三年劉裕伐秦引軍入河以向彌為北
青州刺史留戍碯碯。宋書永初三年魏將周畿等南寇渡河
軍於碯碯明年魏人立濟州中城於此元嘉七年遣到彥之等
經略河南取碯碯尋復沒於魏二十二年魏主燾發冀州民
造浮橋於碯碯津二十七年復伐魏前鋒申元吉趣碯碯取之
青冀二州刺史蕭斌等守碯碯使王元謨進屯滑台已而元謨
自滑台遁還斌欲固守碯碯沈慶之曰今青冀虛弱而坐守窮
城若敵眾東過清東非國家有也斌乃使元謨戍碯碯引軍還
歷城明年江夏王義恭以碯碯沙城不堪守召元謨令毀城還
碯城魏人追擊敗之二十九年復遣軍北伐張永等分道向碯
碯攻圍歷時不能拔敗還自是碯碯遂屬於魏。魏書太和二
十年如碯碯命謁來僕射成淹集舟揖欲自泗入河沂流還洛
正光四年濟州刺史刁宣復築碯碯外城。北周書後周武帝
平齊又築第二城尋又於碯碯津置關曰濟州關。水經注碯
碯城本漢東郡在平縣故城其城臨水西南隅崩於河後更城
之魏置濟州治此河水衝其西南隅又崩於河。通典唐濟州
治即古碯碯城。按唐天寶十三載濟州郡縣
地皆圯於河其後河流遷徙碯碯遂成平陸
山莊故城長清
北三十里漢在縣屬泰山郡應劭曰在山在東北三國魏改山
莊。三國志景初元年山莊縣言黃龍見晉升平三年慕容雋

以賈堅為太山太守屯山在宋承初省元嘉十年復置併僑置太原郡治焉孝建元年改屬濟北後魏仍屬太原郡隋大業初廢入歷城唐武德九年復置屬齊州天寶元年改曰豐齊○元和志縣東北至州四十里十五年省入長清○寰宇記廢在縣在長清縣東北四十里齊州西三十六里○金史地理志長清縣有豐齊鎮

東太原城 在長清縣東北亦曰升城晉義熙中僑置太原縣於此宋元嘉十年立太原郡孝建初以縣為郡治置并州於此○魏書地形志太原郡太原縣治升城房崇吉傳宋明帝以崇吉為并州刺史領太原太守戍升城○按水經注隋志俱作東太原郡以故太原在而故加東字

城 在長清縣西戰國時齊邑國垣苗城在縣東北○水經注濟逕垣苗城西木名洛當城當河濟之會宋武帝西征令垣苗鎮此因名宋泰始三年肥城垣苗靡薄等戎皆不附魏為魏將慕容白曜

馬防城 在廢盧縣東通典臨邑縣故城治此宋武帝初立東魏郡治馬防城後改治臺縣城

石塞 在長清縣西南晉義熙二年南燕將封融奔魏與羣盜襲石塞城即此

清亭 在長清縣東○左及宋公遇於清哀公十一年齊伐我及清杜預注盧縣東有清亭以清水所經而名○水經注濟水自魚山北逕清亭京相璠志山東通志以清亭在東阿界內引杜預左傳注濟北東阿縣有清亭水經注濟水自魚山北逕清亭為證按盧東阿皆漢縣而長清置自隋開皇中宋至道中又移治於刺榆店以地考之

方輿考證卷十七 山東一

堯

當在盧東阿二縣間且漢之東阿為今陽穀地而今之東阿為明洪武中以故穀城移治者也當仍入長清為是

石門 在長清縣西南○春秋隱三年齊侯鄭伯盟於石門京相璠曰石門今盧縣故城西南六十里故石門去水三百步今圯於河

德州故城 今陵縣治即漢安德縣也後魏太和中和置安德郡隋改德州平原郡自後因之唐天寶末顏真卿為平原守知安祿山必叛乃修城濬池陰為之備及河朔盡陷惟平原拒守○縣志故德州城壁塹高深城門內起直樓前障掩蔽內外左右幔道其尾相屬相傳顏魯公制也永樂

歸化故城 在陵初徙其磚以築今之德州而縣遂廢為土城

鄰齊州臨邑縣 有灌家口艸市頃者成德軍於市北十里築城名福城城緣隔河與臨邑縣對岸又居安德德平原三縣界疆宇闊遠請置為縣從之太和四年廢為鎮入臨邑○金史地理志安德有

白石城 陵縣北二十里漢文帝封齊悼惠王子雄渠為白石侯即此

重邱城 在縣北五十里或以為即左傳襄公二十五年

三汭口城 陵縣東諸侯同盟處也漢置重邱縣屬平原郡後廢

元初淄青帥李納 於德州南跨河而城守之謂之三汭城貞元八年納子師古嗣職鎮冀帥王武俊引兵至德州將取三汭詔師古毀其

臨齊城 在陵縣東北○水經注屯氏別河東北逕臨城是也

長河故城 今德州治漢置廣川縣在今直隸棗強縣界北也

唐書地理志隋於舊廣川東入十里置新縣尋改長河為水所
壞元和四年移就白橋於永濟河西岸置縣東去故城十三里
十年又置河東小胡城即今治也○元和志縣東至德州五十
里五代周時省為鎮入將陵宋景祐元年移將陵縣來治元為
治州廢陵縣城在德州東漢平原郡安德縣地隋開皇十六年
金因之元升陵州屬濟南路尋改屬河間路明初降重邱故城
為縣永樂七年於縣置德州而移縣於故德州城內重邱故城
在德州東春秋襄公二十五年諸侯同盟於重邱漢置重邱縣
後漢書濟南王康傳建武三十年以平原之重邱益濟南郡國
志無此縣蓋尋省應劭曰安德縣北五十里有重邱鄉故將陵
縣也○歐陽忞輿地廣記隋於重邱縣故城置將陵縣志無將陵
故城在德州東漢書外戚恩澤侯表將陵侯史會而志無將陵
志縣南至德州五十里按宋景祐元年始分安德置將陵縣○元和
元年移治於長河鎮此城始廢高縣故城在安德縣西北五十里
漢書曹彥傳還收平原高盧後漢建武十三年封朱祐為侯國
至北齊縣始省○括地志高縣故城在安德縣西北五十里
龍湊城德州東北○後漢書袁紹傳公孫瓚遣兵至龍湊挑戰
湊在平原渤海○又建安九年袁譚屯龍湊胡三省通鑑注龍
間為河津要口十二連城德川北十里明建文初平昌故城德
縣西南漢縣後漢以北海郡有平昌加西字後魏始復曰平昌
○寰宇記平昌縣在德州東北八十里漢平昌故城在今縣西

方輿考證卷十七 山東一

罕

南三十里後魏永熙二年移於廢平重平故城德平縣西北漢

昌城北齊天保七年又移於今治重平故城重平縣在直隸

吳橋縣界後魏孝昌中復改置於此北齊省入平昌○續漢書

郡國志注故城在今安德縣西北○縣志今有重平鎮在縣西

北三般縣故城在德平縣東北三十里漢縣屬平原郡後魏屬

此屬滄州北齊郡縣俱省入平昌隋開皇十六年復置唐貞

觀十七年仍省入平昌○寰宇記在平昌東北二十五里一

原故城平原縣西南五十里漢高祖二年齊王田榮敗走平原

守其後平原郡縣皆治此○舊唐書地理志平原故城在今縣

西南二十五里今縣治城北齊所築○縣志有古城二一在縣

南二十餘里一在郟縣故城平原縣西南亦曰隄漢高后四年

縣西南三十里郟縣故城封昌陀為俞侯又景帝四年封樂

布為俞侯如淳曰即郟也○漢書溝洫志武安侯田蚡為丞相

其封邑食郟郟居河北河決而南則郟無水患○後漢書馬武

傳建武十三年增邑更封郟侯北齊省入平原隋復置在今夏

津縣界而故城廢○括地志郟縣故城在平原縣西南五十里

釋幕故城在平原縣西北二十里漢縣屬清河郡晉因之永和

雋遣將擊平之太元十年釋幕人蔡匡據城以叛後燕慕容麟

擊平之十三年後燕宦者吳深以清河叛敗保釋幕後魏太平

真君三年併入武城太和二十一年復置屬安德郡北齊省入

平原隋開皇十六年復置大業初省入安德○寰宇記在平原

縣西北張公城平原縣西南○水經注大河又北經張公城臨
二十里側河湄魏青州刺史張公治此故世謂之張公
城水有津焉名
之曰張公渡

方輿考證卷十七

山東一

望華鑑閣

方輿考證卷十七終